

Pomi Palæstini

Syn. 6. 63. 39

# EVAPORATIO

Hoc est,

# ENODATIO

Responforum & Rescriptorum in  
causâ Palatinâ nuper datorum.

*Cum annexa*

Brevi

## DE MONSTRATIONE

nullitatum, quibus clandestinæ

de translatione Electoralis Palatinæ

dignitatis & ditionum in Bavi-

cam gentem dispositiones,

laborare ostenduntur.

*A. Volradus a Fribach*

LONDINI



Typis A. G. Cum autoritate &

permiffu publico; Sump-

tibus I. N. & R. W. Prostant

ad Insignia Regia in Cœ-

meterio D. Pauli.

Anno MDC. XXXVI.

Ex Plinio, Solino, Tacito & aliis.

In Palestinâ apud lacum Asphaltiten, seu mare mortuum, quod balitu suo terram inficit, corrumpitque superfluum spiritum: & quæ sunt in eo, cum ni putrescunt, solo coque jacta præter: tunc nascuntur quæ ad spectu pulchra & speciosa sunt: sed quando contrectantur & aperiantur, tum evaporant, & in fumum abeunt.

Plato apud Stobæum

Serm. 10

Summa injustitia, iustum velle, videri si sis injustus.





SERENISSIMO  
&  
CELSISSIMO  
PRINCIPI

Carolo Ludovico,

Comiti Palatino ad Rhenum, Sa-  
cri Romani Imperii Electori,  
Archidapifero, & Vicario, Duci  
Bavariæ, &c.



Nter cæteras cau-  
sas, SERENISSIME  
PRINCEPS, quæ  
me moverunt, ut  
hunc Libellum  
conscriberem &  
evulgarem, illa  
præcipua & palmaria est, quod  
volebam Orbi terrarum, & iis,  
B qui

qui vel ex ignoratione, vel ex affectu de rei veritate non bene judicarent, ostendere & ante oculos adducere, quòd neque penes Augustissimum Regem CAROLUM, Tuum Avunculum, neque penes Te steterit, quò minus solemnis illa Legatio, quâ incomparabilis Heros THOMAS. HOUARDUS, Comes *Arundeliae & Surriae*, nuper in Germaniâ, pro restitutione Pacis & Palatinatûs pari operâ procuranda defunctus est, felicem habuerit successum : Sed penes eos, qui nihil moderati, nihil æquâ se, perhonestas conditiones & postulata, impetrari passi sunt. Ex Tuâ parte omnium, quorum intereat, animi ad quasvis tolerabiles pactiones subeundas, parati & prompti erant : Sed ex adversâ

versâ, ea, quæ neque cum Honore & securitate, neq; cum Conscientiâ & Reipublicæ utilitate, vel concedi, vel remitti poterant, præscribebantur & exigebantur, sicut id ex actis evidens est, & nos in hac scriptiunculâ deduximus.

Quod mei muneris eâ in re fuit, spero me haud indiligenter executum esse; calamo nimirum & stylo, atque oratione, pro modulo virium nostrarum, justitiam causæ Tuæ, Tuâque innocentiam asserimus & defendimus, quantâq; Tibi & Tuis injuria fiat, repræsentamus: Tui nunc est, ut, postquam omnia *φιλονεικίας* taveris, & Tui sancti conatus frustra fuerint, tandem ea remedia, & instrumenta circumspicias &

amplectaris, per quæ consequi  
& extorquere possis, ab injustis  
possessoribus & usurpatoribus,  
per iusta arma, quæ illi per injusta  
Tibi ademerunt.

Ne Te verò deterreat, aut  
cunctantem & suspensum reddat,  
vel adversariorum potentia &  
fortuna, vel Propriarum virium  
diffidentia, vel quòd arma Regi  
FRIDERICO Patri Tuo, & Sociis  
sæpius parum auspiciatò succe-  
ferint:

Virgilius.

*Tu ne cede malis, sed contra au-  
dentior ito.*

Quò altiùs ascendit adversario-  
rum Tuorum felicitas, eò instabi-  
liori stat loco, ad cacumen per-  
venit, nutat jam cum ramis mox  
casura, aliquo impetu Boreæ, vel  
Austri concussa: magna momen-  
to

to obruuntur; & dubia violentæ  
& ingratae Domus Fortuna, cir-  
cumacta est. Non retinebit diu  
quæ per vim, injuriam & frau-  
dem Tibi præripuit.

*Quem dies vidit veniens superbum  
Hunc dies vidit fugiens jacentem.*

Seneca Tragic.

Macte igitur, Serenissime Prin-  
ceps, aude, confide, annitere; ha-  
bebunt ventos & Deos. Tua  
vela secundos. Mediocris poten-  
tia, consilio & fortitudine rectâ, in-  
gentes sæpè vires edomuit. Quo-  
ties parvæ copiae audendo, καὶ ἐν  
τοῖς κατὰ δαρρῆϊν τῶν πολεμίων, præva-  
lidos exercitus delerunt?

*A cane non magno sæpè tenetur Aper.*

Ovidius

A minimis animalculis, maximis  
feris periculum & casus paratus  
est.



est. Causâ vales, valebis etiam  
causam tuentibus armis. Poena in-  
justitiæ & crudelitatis, hostes tuos  
insequitur: insta, preme, si terra  
aditum ad eos negat, Oceanus vi-  
am patefaciat; divertendo & præ-  
veniando, inquiebat magnus ille  
Rex, bella superantur. Primi  
ejus apparatus in arduo sunt; in-  
gresso, aderunt studia, ministri,  
focii & milites. Modica manus,  
sub forti & audente Duce, ad ju-  
stum exercitum excrescet. Oc-  
casiones & momenta temporum,  
rerum & hominum, quæ se offe-  
runt, observa, ad consilium flecte;  
cuicumque amicorum bellige-  
rantium Te adungere volueris,  
gratus accedes Socius, sociâsque  
ab eo recipies vires. Experien-  
tia plurimarum ætatum & An-  
nales

nales attestantur, omnia ferme  
bella ab initio contra eos, quibus  
victoria de jure debebatur, fuisse :  
ad extremum tamen, meliorem  
causam pervicisse & triumphas-  
se. Habet Fortuna regressum; hæc  
diu adversariis tuis favit, & Te  
destituit: jam orbis rerum adest,  
ut illos relinquat, & ad Te respi-  
ciat. Sed quò abripior, hæc non  
sunt hujus loci & temporis. Cæ-  
terum Te, SERENISSIME PRIN-  
CEPS, Cœleste *Numen* florentem  
& incolumem præstet & tueatur,  
Tuâq; consilia & ausus pro voto  
secundet. Dabam apud Ubios,  
Nonis Martii, cío dcc xxxvii.

*Volradus à Frubach.*

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637  
U.S.A.  
TEL: 773-936-5000  
FAX: 773-936-5000  
WWW.CHICAGO.EDU

Benevolo Lectori, S.



Quemadmodum is,  
qui procul & e  
longinquo es ori-  
chalcum, vel stan-  
num adspicit, hoc  
ab argento, illud  
ab auro haud facile dignoscit, nisi  
propius admotus; Et sicut homini,  
oculos glaucomate offuscato, aut per-  
spicillis naso suspensis utenti, res in-  
specta vel minor, vel major, quam re-  
vera est, apparet: Ita plerumq; illi,  
qui preconcepta opinione & affectu  
occupati, vel ignorance aut falsa  
persuasione abducti, vel perturba-  
tione incitati, defunctorie res exa-  
minant, in re condita & interiora  
non penetrando, & putamen tantum,  
nequaquam verò nucleum rei, ut ita  
C dicam,

dicam, attingendo, longè aliter, quam  
fas & veritati consonum est, de mor-  
taliū adionibus, consilijs, intentio-  
ne, judicijs, sermone & scriptione ju-  
dicant & statuunt.

Hujus rei illustre exemplum nobis  
præbet, fatalis illa & toto terrarum  
orbe cognita causa Palatina. Cui  
non dictus Hylas? Sed quotus-  
quisq;, amabo, de eâ hodie sincerè &  
candidè justèq; sentit? quotusquisque  
eam probè cognoscit & intelligit?  
Quis enim de Proscriptione contra  
Regem Fridericum Septemvirum  
promulgatâ? quis de Electoralium  
Palatarum Ditionum, annexæque  
Dignitatis & muneris invasione, di-  
reptione, alienatione, & perpeti in  
Bavaricam, Stirpem translatione?  
quis de Caesaris, Bavari, Socio-  
rumque eâdem in causâ institutis  
pro-



processibus, prolatis sententijs, decretis, rescriptis, iuris dispositionibus, pactis, conventionibus, & similibus rectè, secundum veritatem & justitiam, absque odio & gratiâ, opinatur, judicat & sentit? Totâ lege inspectâ judicandum esse, in jure præcipitur: ita etiam in istis tantimomenti rebus, nisi cunctis ad amussim expensis, tum circumstantijs & rationibus, tum temporum hominûmque conditionibus & intentionibus, denique verborum, sententiarum & rerum intelligentiâ, constructione & translatione examinatis, sententiam & judicium ferendum. Si hæc speciatim, Καὶ καὶ ἐν ἑκάστῳ, quomodo singula libranda & perquirenda essent, deducere vellemus, magnis opus esset voluminibus. Nos reservatâ majori earum rerum parte in aliud tempus, &

ad alias operas & opera, quæ *ἡμεῖς*  
*οὐκ ἐπεγείρομεν*, brevi publicaturi su-  
mus, impræsentiarum operæ duximus  
pretium, tam enucleationem &  
enodationem illorum duntaxat re-  
sponforum, rescriptorum & placito-  
rum, quæ Imperator Ferdinandus II.  
superiori anno, quo Serenissimus Rex  
Magna Britannia Carolus, solem-  
nem ad eum, pro obtinendâ Palati-  
natûs, Suorumque ex sorore unicâ  
Reginâ Elizabethâ Nepotum re-  
stitutione, miserat legationem, reddi-  
dit & præscripsit: quàm succinctam  
demonstrationem injustitiæ &  
nullitatum, quibus allegata à Cæsa-  
re Dispositiones de translatione, &  
perpetuâ in Bavaros factâ alienatio-  
ne Electoralis dignitatis & ditionum  
coherentium gemunt, & conferta  
sunt, in vulgus, *καὶ εἰς τὸ φῶς*, protra-  
dere

dere & efferre: tum, quia iussi & ro-  
gati eramus ab iis, qui mandandi &  
rogandi auctoritatem habebant; tum,  
ut meis operibus secuturis aliquid  
præluccant luminis, vel saltem viam  
& saltum pandant, denique, ut ex his  
conjectura & iudicium fiat, quid de  
cæteris in hac causâ actibus, ex ad-  
verso, sive per violentiam, sive per  
calliditatem, exercitis, tenendum sit.  
Circa Dispositiones istas, & in dedu-  
cendis earum Nullitatibus, amplio-  
rem me esse & acuratiorem oportuis-  
se, forsân nonnulli requirent: sed sci-  
ant velim, me lubenter id facturum,  
καὶ τὰ ἐνὶ μέρει perstridurum fuisse,  
si dispositiones illas, quas quidem è te-  
nebris, in quibus conditæ fuerunt, in  
lucem editas esse nondum constat; in  
suâ formâ introspicere licuisset. De  
nullitatibus adductæ Pacificatio-

nis Pragensis, quâ dispositiones istas confirmatas esse, obtenditur, multum disputare & proloqui, haud consultum arbitrati sumus, non tam ideo, quod ad propositum nostrum id non tanti facere putavimus; quàm quod ab alijs materiem istam de industriâ, singulari cum studio & laude, pertractatam vidimus. Eandem si ego quôque obscuro meo calamo rimari, & eruere aggressus essem, quid aliud egissem, quàm,

Horât.

Stellis nebulam spargere candidis?

Quod superest, mi lector, te rogatum volo, ut mœta hæc qualiacunque autographa æqui bonique facias; hoc modo stylo meo calcas addes, ut cum alacritate, quæ affecta & penè confecta in adverla-  
rijs

*rijs contineo, absolvam, & tui quò-  
que quàm primum juris efficiam.  
Vale perbene. Dabam apud U-  
bios, Nonis Martij. clō 136  
XXXVII.*

---

ENODA

---



the contents of the  
one given by the  
the other. The  
the other. The  
the other. The  
the other. The

the other

ENODATIO  
RESPONSORVM  
CÆSAREANORVM

in causâ Palatinâ  
datorum.



Vm proximo superiore Anno, Serenissimus Rex magnæ Britanniae, Thomam Howardum, Comitem Arundelliae & Surriae, Comitum Marescallum Angliae, ad Imperatorem Ferdinandum, II, mitteret Legatum, oratum causam Palatinam, & petiit restitutionem Serenissimi Electoris Caroli Ludovici, sui Nepotitis, & hujus Fratrum, varij varios

D

sermo-

*Enodatio*

sermones, judicia & sententias, si ut Principum actiones, diversis vulgus rumoribus differre solet, ferebant.

*Alij*, satis superq; legnitie, hæsitatione & mollibus Consilijs peccatum, experientiam tot annorum, tot Legationum, tot intercessionum in causâ Palatinâ adhibitarum, testatum fecisse, nihil precibus, nihil colloquijs, nihil per æquas conditiones obtinendum & impetrandum, nihil moderati & justipactionibus extorquendum. Austriacos, Bavarum, & horum adstipulatores, Septemviralem Palatinam Prosapiam, internecioni jamdudum destinasse, nunquam concessuros, ut hæc resurgat, & Palatini Principes exules, libertatis antiquæ præ cæteris tenaciores, & dominationi novæ infensiores, adhæc, cognatione & amicitia exterorum Regum poten-

*Responsorum Cesareorum.*

potentiores, pristinae restituti fortunæ  
in Patriam redeant, & sibi formidini  
ac veluti spina in oculis suis sint. Illos  
præterea timiditate partis adversæ in-  
solentiores factos, res suas interea con-  
stabilivisse; Palatinicas verò magis  
ac magis concidisse: amicos, socios &  
auxiliatores metu & dubitatione sus-  
pensos, & spe sumendorum pro causâ  
Palatinâ amorum, sæpius delusos, ad  
alias societates amplectendas necessi-  
tate compullos, secessionem tandem  
fecisse. Restare adhuc Suecos &  
Gallum, horum amicitiam & con-  
sponfionem accipiendam, cum illis  
arma & consilia jungenda, dum po-  
tenti & victore milite Austriacos  
fatigent; non negligendam hanc oc-  
casionem, excutiendum veternum,  
rem toties frustra per colloquia ten-  
tatam, iterum per alia tentare, & ab  
210 D 2 armis,

armis, in quibus tamen sola spes eam  
obtinendi, abstinere, vel impruden-  
tia, vel ignavia, indicium fore. An-  
non satis hactenus per octodecem in-  
tegrōs annos Reges Angliæ fuerint ab  
Austriacis deliniti & retardati: an  
sibi semper verba dari sustineant;  
nunquamne expergisci, & injurias  
acceptas ad animum revocare aude-  
ant? *Hæc & similia, homines ap-  
puloi flagrantiores & promptiores me-  
morabant.*

*Alij vero, qui moderatiores & pa-  
catiores, Regis prudentiam, pietatem  
& æquanimittatem commendabant;  
negari quidem non posse, nihil hacte-  
nus tot Legationibus & Intercessio-  
nibus, in causâ Palatinâ effectum fu-  
isse, imò omnem laborem, preces &  
conatus in fumum abiisse: attamen  
considerandum, quod post mortem*  
Regis



*Responſorū Caeſareorū.*

Rogis *Friderici*, pro quo potiſſimum intercederetur, cuiuſq; reſtitutio & reconciliatio quaereretur, quēq; Caeſareani autorem & faciem turbarum dicerent, & in quem ſolum ſe iratoſſe aſſeverarent, rerum ſtatus haud parum fuiſſet mutatus, ac propterea vero ſimile fuiſſe, odia & iras non nihil reſediſſe, homines moderaiores, ſicuti priuſe ſerent, jam tandem ſancti, nec in liberos inſonantes, Patre uiuis exemplo, extenſuros & iacturos animi excoerbuſſe. Proinde, Regem prudenter agere, quod iam nomine ſuorum Nepotum, miſſa doliſſimi Legatione, compoſitionem tentare, eorumq; reſtitutionem per conditiones procurare, & experiri conetur, an aduerſarij contra iſtos aequē inſolentes & truculenti ſint, ac contra Patrem fuerint, cum ta-

ſuit D 3 men

*Enodatio*  
men minus causæ adversus illos,  
quàm hunc habeant.

Præterea, magnam spem obtinen-  
dæ restitutionis, ex adverso Regi da-  
tam, ab eoq; petita, ut in colloqui-  
um descendere, Legationemq; cum  
liberâ potestate ad Cæsarem quàm-  
primum mittere vellent, fore, ut felici  
res exitu concludatur. Hanc spem si  
subito adspersus, vel rem pro depo-  
sita reliquerit, vel bellum moverit,  
adversarios causam & prætextum ha-  
bituros, de ejus impotentia & præci-  
piti animo conquerendi. Alias in-  
super causas remora & obstaculo  
esse, cur non consultum Regi, illotis  
statim manibus, & antequam res  
suas, in tutiorem & paratiorem sta-  
tum collocârit, Martem lacessere:  
Quanquam verendum esset, Legati-  
onem etiam istam fore irritam &  
fine

*Responsorium Cæsareorum.*

sine successu, atque interim præclaras  
rei gerendæ occasiones neglectum  
iri; Regem tamen hoc inde benefi-  
cium consecuturum, ut non tantum  
justitia causæ, innocentia Nepotum,  
hostium vero superbia & injuria sint  
evidentiùs apparitura; sed ipse quoq;  
excusatio magisq; laudandus futu-  
rus, si, postquam omnia expertus, &  
ultimum, quod restabat, conamen  
conciliandæ per pactiones pacis co-  
natus fuerit, ad alia consilia invitus  
descenderit.

Hæ & similes rationes Regem sa-  
pientissimum & moderatissimum  
merito permoverunt, ut Oratorem  
suum *Thomam Howardum*, Comitem  
*Arundellia & Surria*, ad Cæsarem, ex-  
pedito itinere, contendere jussit,  
eamque in rem mandata perfectissi-  
ma dederit. Oratori in *Germaniam*

pene-

### *Enodatio*

penetranti quædam præter opinio-  
nem contigerunt, ex quibus homi-  
nes pragmatici, haud oppido bene de  
succellu suæ Legationis ominari oc-  
cæperunt.

Nam, primò adspicere, velut oculis,  
& pati coactus fuit, ut in misero-  
rum, pro quibus tamen intercedebat,  
civium & incolarum Franco-Vallen-  
sium corpora & bona, continenter sæ-  
viretur: Pars carceribus inclusi, &  
ad solvenda injusta lytra, minis &  
inediâ adacti, discruciebantur: pars  
extorsionibus, tributis, oneribus &  
servitijs vexati, conficiebantur. Quò  
magis ille conquerebatur & orabat,  
tanto asperius hi tractabantur. ~~Omni~~  
nibus suis precibus & obtestationi-  
bus, ne tantum quidem apud Cæsa-  
rem, apud Regem *Hungariæ*, apud  
horum ministros, Hispanicosque Le-  
gatos

### *Responſorum Cæſareorum.*

gatos obtinere potuit, ut miſeris pa-  
ctiones & conventiones, cum iſtis,  
quando ſeſe dederent, initæ, obſerva-  
rentur; quin ab eo tempore, quo  
illorum cauſam egit, velut de indu-  
ſtriâ durius fuerunt habiti. Quomo-  
do erga ſperare poterat, ſe impetra-  
turum ſumma, cui negarentur mi-  
nima?

Deinde, cum *Norimbergæ*, per  
*Johannem Taylerum* ex Aulâ Cæſaris  
venientem, intellexiſſet, Regem  
Hungariæ, qui *Nordlingam* in *Vin-*  
*delicis*, & ad exercitum progredieba-  
tur, deſiderare, ut ſibi in itinere oc-  
curreret, ſiquidem magnoperè cupe-  
ret Legatum conventum, præmiſit  
eundem *Taylerum*, ut de tempore &  
loco conveniendi conveniret, ſequē  
certiorem protinus faceret. Verum  
poſt aliquot dierum expectationem,

E

cog-



### *Enodatio*

cognovit tandem Regem, de nullâ reminùs, quàm de congressu illo, sollicitum, vel planè ejus oblitum fuisse: Imò ne per literas quidem, neq, per aliquem familiarem, quod aliàs moris est, quando Regum Oratores ad provincias & territoria Principum adventant, salutare dignatus est; quod vel superbiæ, vel contemptûs, vel inurbanitatis signum æstimabatur.

Ad hæc, paulò pòstprehendit, Regem, eodem quasi tempore, quo eum convenire debuërat, bona quædam sacra, agros, fundos, & integra cœnobia in Inferiori Palatinatu, & in quibus Regina Bohemiæ Regis sui Soror, Dotis hypothecâ & donationem propter nuptias constitutam haber, Iesuitis, per solemnes Donaverdæ descriptas tabulas, præcipiente & mandante Patre Cæsare, sicuti ibi  
me-

### *Responsorum Cæsareorum.*

memoratur, donasse & tradidisse: quod sanè nullum indicium faciebat, propensæ ad restitutionem voluntatis, dum alienandi potius & discerpenti, atq; distrahendi, quàm reddendi, animum ostentabat.

Cùm Lintzium, nobile in superiori Austriâ ad Danubium situm, oppidum, ubi tum Imperator morabatur, propediem Ratisbonam ad Cœtum Septemvirum progressurus, pervenisset, magno quidem honore & singulari cum prolixitate fuit exceptus; statim etiam semel atq; iterum alloquendi Cæsarem & Augustam, facultatem habuit. Verùm in causâ, quam oratum & propositum venerat, altum per plures dies silentium offendit. Tandem tamen, postquam moræ impatiens, enixius urisisset, Cæsar, ac si rem seriò tractandam cu-

*Enodatio*

peret, certos quosdam Confiliarios;  
qui cum eo disceptarent, delegit: E-  
piscopum nempe Viennensem, *Pe-  
trum Henricum Stralendorffium* Vice-  
Cancellarium Imperij, & *Iustum  
Gebhardum* IC<sup>um</sup>. semel dumtaxat  
conventum, nimirum ad xiv Kal.  
*Sextilis*: Legatus enim perlecto man-  
dato, quod Imperator suis Consilia-  
rijs, ad id negotium tractandum, de-  
derat, valdè offendeбatur, quòd in eo  
inter alia scriptum vidisset, Regem  
Magnæ Brittanniæ, per *Johannem  
Taylerum*, Se se ad foedus tam of-  
fensivum, quàm defensivum, cum  
Cæsareâ Majestate & cum totâ  
Domo Augustâ Austriacâ, contra  
hostes & adversarios communes,  
ineundum & firmandum obtu-  
lisse. Hoc quia Legatus falsum &  
contra Regis sui existimationem, fi-  
dem

*Responsorum Cæsareorum.*

dem & integritatem esse, noverat, rationem sui officij efflagitare à se iudicavit, ut ejusmodi imputationem, tam oratione, quàm scripto, confutaret & contradiceret; & hæc quidem causa fuit, cur, ab ulterioribus congressibus, fuerit absteritus. In hunc autem modum excepit:

Hæc, inquit, cum indigna & à mente, à fide & magnanimitate Regiæ Majestatis, prorsus sint aliena, omnino officij mei, & honoris ac dignitatis Serenissimi Regis, interesse arbitratus sum, apud Cæsaream Vestram Majestatem & scripto, & coram, dolorem & ægritudinem animi, quam inde percepi, declarare, ac conqueri, testificando palam, contra Serenissimi Regis intentionem, imò, non sine aliquâ offensionis

### *Enodatio*

& ignominiaē notā dici, Eum ultro foedus offensivum & defensivum Cæsareæ Vestrae Majestati totique Domūi Austriacæ contra omnes hujus hostes, obtulisse. Quod sanē, & ad injuriam cæterorum Suæ Majestatis Confoederatorum, qui justam inde occasionem, malè de Ipsā suspicandi & conquerendi, habere & arripere possent, spectaret: & Suam Majestatem ad id, quod cum honore & conscientia suā, exuendo sine gravi causā necessitudinē cum reliquis suis amicis, facere nequeat, adstringeret, & in æternam belli necessitatem implicaret.

Quòd si Serenissimi Regis Ablegatus *Johannes Taylerus*, tale aliquid promisit, aut ejus spem fecit, sicut in descripto illo mandati con-



*Responsarium Cæsareorum.*

continetur, oportet ut dicam, eum sine mandato hoc fecisse, ac proinde ad rationem reddendam, obligatum esse. Sin verò ab hâc imputatione immunis est, sicut protestatur & contestatur se esse, nihilque tale unquam protulisse, provocando ad omnes suos libellos Curiae Imperiali traditos: quid aliud inferre & dicere licet, quàm indignitatem, & Serenissimo Regi, & mihi ejus Oratori, factam fuisse, dum in faciem, & publico scripto, tam indigna & aliena obtruduntur & imputantur?

Hæc cum ita sint, Cæsaream Vestram Majestatem humilimè obsecro, ut ista omnia, pro suâ Cæsareâ prudentiâ perpendat, & rem ita dirigat, ne quid tale, quod

*Enodatio*

quod aut Regi, aut mihi, ignominiosum parumque honorificum sit, fiat, dicatur, aut scribatur. Sed ad rem ipsam, bonâ fide, omnibus dilationibus & ambagibus remotis, descendatur, & ejusmodi mihi responsum, quod Regiæ Magistrati satisfacere, & gratum & acceptabile esse, indiciumque præbere possit, rem seriò & cum spe boni successûs agi, quantò ocyûs detur.

Cæsar ad ista, verboso & diffuso scripto, respondit, tum mentem & opinionem suam explicando, tum repetendo ex actis, quæ circa & materiam & formam fœderis propositi, ab aliquo tempore ultrò citròque acta, dicta, scripta & tractata fuêrunt, tandem ita concludit.

Hæc igitur, inquit, omnia, cum  
ita

*Responsorum Cæsareorum.*

ita se habeant, prout ex originalibus ipsis scripturis, quæ allegantur, & quarum inspiciendarum offertur potestas, comprobantur, & cum ex his, cuius liquere possit, non fuisse intentionem aliam, vel Sacræ Cæsareæ Majestatis, vel Serenissimi Magnæ Britanniae Regis, quàm foedus vtrique, & contra non unius solummodò, sed utriusque vel omnium partium communes hostes & adversarios, offensivum & defensivum concludere; cum illud alterum, si nimirum, contra unius tantum partis hostes, conclusio fiat, naturæ ipsi huiusmodi foederum limitatio & moderatio, ab ipsis tractatibus, quæ super ijs instituuntur, dependere soleat, quibus quid rationi consentaneum, ac utriq; parti ho-

F. nestum

### *Enodatio*

nestum ac decorum sit, dispicitur;  
Cumq; demum de summâ Sacræ  
Cæsareæ Majestatis æquitate, &  
in Serenissimum Magnæ Britan-  
niæ Regem, benevolentiam mini-  
mè præsumendum sit, quidquam  
Illam ab eodem, quod fidei, vel  
dignitati ejusdem adversetur, po-  
stulaturam esse: Eadem Sacra  
Cæsarea Majestas omnino con-  
fidit, neminem fore, qui illi vitio  
vertat, quòd rem prout est, &  
prout suus fert candor, vocare  
& explicare voluerit; non recu-  
sans cæteroquin, quin nihilomi-  
nus circa sæped. Clausulam, ea  
adhibeatur moderatio, quæ ad  
tollendas e medio omnes offen-  
sionis ansas, communi consensu  
videbitur.

In causâ verò principali in hanc  
senten-

*Responsorum Cesareorum.*

sententiam rescripsit. Meminisse se, in quem sensum, jam antehac diversis decretis suis, ac nominatim illo, quod die xxiv *Februarij* proximè præteriti, Ablegato ejusdem Serenissimi Regis Magnæ Britanniae, ad se destinato, consignari voluit, sese declararit; Nimirum, ex causis ac rationibus ibidem allegatis, paratum se esse, si Comes Palatinus *Carolus Ludovicus* conditiones in dicto decreto contentas impleverit, eundem à Banno Imperiali, ex delicto paterno in eundem derivato, eatenus & ad eum effectum, ut ipse in ordinem & gradum Sacri Romani Imperij Principum, recipiatur, clementer absolvere, simulq; in partem haud contemnendam Ditionum avitarum



*Enodatio*

restituere, iuxtaque ac conventum fuerit, Eidem Investituram impertiri; Demum, ubi ad tractatus ventum erit, quoad Dignitatem Electoralem & reliqua petita tum proposita, eum fervare modum velle, ut in ijs, quæ æquis conditionibus concedi poterunt, habeat, cum Seren<sup>mus</sup> Magnæ Britanniae Rex, unde studium & benevolentiam in Se Sacrae Cæsareæ Majestatis, tum sæpeditus quòque Comes Palatinus, propensam in Se gratiam ejusdem possit cognoscere. Huic tam benignæ intentioni ac declarationi suæ, Eandem Sacram Cæsaream Majestatem etiamnum eò firmitus inhærere, quò per dictum Dominum Legatum, & ex literis ac mandatis prælibatis certior facta

*Responsorium Cesareorum.*

cta esset, de studio & benevolentia in Se & totam Augustam Domum suam, memorati Serenissimi Regis, ut qui non aliam, quam candidam & sinceram, in omnibus antehac tractatis & oblatis, intentionem afferat; Cui voluntati & intentioni Majestas Sacra Cæsarea in se omnino similem esse, & persistere constanter confirmat, Eidem consentaneum censendo, ut quâ de re tractatum institui semel placuit, id etiamnum firmum maneat.

Porro autem, cum sæpedita Sacra Cæsarea Majestas, non ullo jure obligata; sed ex merâ gratiâ & clementiâ Cæsareâ, ac imprimis studio benevolentiae, in sæpe no-

*Enodatio*

nomina<sup>t</sup>um Serenissimum Magnæ Britanniae Regem, ductâ, mutuique ineundi foederis intuitu, eò usque se declararit, atque etiamnum declaret; Ac prædictus quoque Dominus Legatus, in eam sententiam Serenissimi Regis sui, quod prælibata totalis restitutio, nunc continuo fieri debeat: Hinc Eandem Majestatem Cæsaream æquum censere, omninoque confidere, fore, ut idem Dominus Legatus ulterius sese, cum quoad modum petita totalis restitutionis, ac præsertim quoad Dignitatem Electoralem; tum etiam circa ea, de quibus Eidem Sacrae Cæsareae Majestati spes facta est, quatenus videlicet Idem Magnæ Britanniae Rex, se cum Eadem & totâ Augustâ Domo suâ  
Au-

*Responsoriam Cæsareorum.*

Austriacâ, conjungere, quidque in beneficium ejus præstare velit ac debeat, explicare non grave-  
tur.

Ad illa Legatus, liquidò, ait, ex ipso responso Cæsareo apparere, neminem unquam Regiorum ministrorum, nec ipsum Regem in ullis suis scriptis, ejusmodi fœderis, fecisse mentionem, imò ne quidem verbis, aut familiari congressu nisi ex unico Comitibus de *Schönburg*, Cæsarei in Hispaniâ Legati, relatu, tale quid dictum fuisse inferatur; quod tamen non usquequaque quadret, cum prætenso oblato fœdere. Et si quid tale privatis forsan in colloquijs excidisset, novum sanè & inauditum prorsus esse tractandi modum, Omnia quæ familiariter collo-

### *Enodatio*

colloquendo à publicis ministris  
proponuntur, statim publicis In-  
strumentis sub sigillo inferere, &  
eadem ijs postmodum obijcere.  
At verò quale foedus, & sub qui-  
bus conditionibus à Regiâ Maje-  
state oblatum fuërit, planè appa-  
rere tam ex verbis, quàm ex in-  
tentione scribentium & loquen-  
tium : Videlicet, si Cæsarea Ma-  
jestas ; attentâ Regiæ Majesta-  
tis intercessione, Palatinum E-  
lectoralem, cum annexâ Dignita-  
te & juribus, restituërit, atque isto  
modo fundamentum, ad pacem  
in Imperio promiscuè restabili-  
endam, posuerit, tum Regiam  
Majestatem, foedus cum Cæsareâ  
Majestate, cum Inclytâ Domo  
Austriacâ, cùmque Imperij Sep-  
temviris & ordinibus, arctissi-  
mum



*Responsorum Caesareorum.*

mum paciscituram, tam ad pacem illam & tranquillitatem universam obtinendam, & æquis ultrò citroq; conditionibus firmandam; quàm ad eam asserendam & defendendam contra eos, qui tam sacro-sanctam compositionem & quietem, impugnare & evertere, ausuri essent. Quamobrem Se Cæsaream Majestatem orare, ne Serenissimo Regi, Domino suo Clementissimo, aut Sibi ejus Legato, prætensum illud foedus amplius objiciatur, aut ulterius in morâ sit, quò minùs supra-memorata plenaria restitutio, absque diuturniori procrastinatione, maturetur, & perficiatur. Deinde refutat & rejicit, quòd Cæsar suo Decreto, seu declaratione, *Johanni Taylero* xxiv Februarij Anno cld lcc

*Exodatio*

xxxvi, datæ inherere pergat; Se satis clare, inquiens, in sua Propositione & primo libello memoriali innuisse, declarationem istam talem esse, in quâ Regia Majestas minimè posset acquiescere, tum propterea quòd longè infra spem & expectationem ejus essent, quæ ibi offerantur, eò quòd restitutio Serenissimi Electoris Sui Nepotis angustis admodum pomerijs unius alicujus partis (quæ nec quidem nominatur) includatur & circumscribatur; tum quia ibidem dicatur, Cæsaream Majestatem velle Comitem Palatinum *Carolam Ludovicum*, si conditiones præscriptas impleverit, à Banno Imperiali ex delicto paterno in eum derivato, eatenus & ad eum effectum, ut in numerum Principum

*Responsorum Cæsareorum.*

pum Imperij reciperetur, absol-  
vere: Cum tamen constet Sere-  
nissimum Electorem *Carolus*,  
*Ludovicum* infontem & ab omni  
culpâ immunem, natumque esse  
Principem Imperij, quod ius, ut-  
pote à *DEO*, à Naturâ, à lege  
datum, ei competere, ac proinde  
ne auferri posse, fuis, si opus fo-  
ret, deduci posset. Ad hac, sicut  
Serenissimus Rex gratiam & cle-  
mentiam Cæsareæ Majestatis gra-  
to animo amplecti cupiat: Ita  
prorsus iniquum fore, & Sibi &  
Nepotibus suis probrosam, æ-  
quitatem & justitiam causâ dese-  
rere; quæ jure naturæ & genti-  
litatis, nec non Auræ & alijs Cæ-  
sareis Bullis, & fundamentalibus  
Imperij legibus nitatur, velut id  
suo loco & tempore posset de-

monstrari evidentiùs. Quod modum restitutionis petita attineat, non alium se nôsse, quàm ut Serenissimus *Carolus Ludovicus* Elector, hujusque Fratres, per Decretum Cæsareum, per realem introductionem, & per solemnem Investituram, (prout in hujusmodi casibus solens est) in avitas dignitates, feuda, possessiones & jura, quamprimum restituantur. Deinde, ut hi reciproce promittant, & reapse præstent, quæ ejusmodi Vasalli & Principes Imperij, investiti & in possessionem missi, jure & ex consuetudine, præscriptoque legum, præstare & facere tenentur & obligantur. Ex parte autem Serenissimi Regis Sui, condicere & spondere, quòd si in Ip-  
sius

*Responsorum Cæsareorum.*

fius gratiam, hæc restitutio maturetur, & sine cunctatione expediatur, Regiam Majestatem ea lubenter facturam, quæ egregiam & Regiam suam propensionem, erga Cæsaream Majestatem, Inclytam Domum Austriacam, Imperijque Ordines, ac *Germaniæ* tranquillitatem, luculentis testificentur effectis: Atque hæc omnia, tam suo, quam suorum Nepotum nomine, solemnibus tabulis & pactis firmaturam, & consignaturam; In quem finem Legatum suum, cum sufficiente & amplissimam potestatem continente mandato ad Cæsaream Majestatem, & ad Imperij Ordines ablegaverit.

Ad ista Imperator tum scripto primum, tum per Consiliarios suos



vivâ voce respondit. Scripto quidem  
 in hæc verba : Se minime necessa-  
 rium ducere, de eo, quod juris est,  
 quoad hæc impræsentiarum dis-  
 ceptare; quod quidem ex parte  
 Cæsareæ Suae Majestatis non legi-  
 bus tantum communibus, sed pe-  
 culiaribus Imperij constitutioni-  
 bus, & Aurea Bullæ statutis, in-  
 dubitanter nitatur, necnon pluri-  
 mis tam antiquis, quam recentio-  
 ribus exemplis confirmetur. Hoc  
 jure usam Majestatem suam Cæ-  
 saream de Ditionibus & dignita-  
 tibus sæpediti Palatini, libere  
 disposuisse, quæ Dispositiones  
 per pacem nuperam *Pragensen*, ac  
 consequenter nunc ab Universis  
 Sacri Romani Imperij Ordini-  
 bus, comprobatae sunt. Ex his, si  
 rectè ponderentur, liquere posse,  
 an

*Responsoria Caesarum.*

an & quanta hæc gratia sit quam  
Cæsarea Majestas antehac libe-  
ris dicti Palatini obtulerit, atque  
etiamnum offerat, & quanti eam  
æstimari oporteat. Quæ quum  
ita sint, quæque sæpe memora-  
ta Majestas Sua Cæsarea, se ha-  
stenus tum quoad benevolentiam  
& propensionem suam, erga Sere-  
nissimum Magnæ Britannia Re-  
gem; tum quoad clementiam eti-  
am erga Nepotes ejusdem, quon-  
dam *Friderici Palatini* liberos, eo-  
usque declaravit; quemadmo-  
dum, & sub quibus conditionibus  
supradictum Decretum diei xxiv  
*Februarii* continet. Ideo æquum  
censere, ac benigne requirere, ut  
dictus Dominus Legatus, si ita ei  
videbitur, ad particularia descen-  
dat; ac claris, sive scripto, seu, si  
place-

placeat, quod Majestas Sua Cæsarea convenientius existimat, o-  
retenus conferendo cum Majesta-  
tis Suæ Cæsareæ Plenipotentia-  
rijs, explicet, quid Majestati Suæ,  
Serenissimus Magnæ Britanniae  
Rex, pro talibus oblatis vice versâ  
offerat, ac præstare intendat, ut  
pari passu, prout moris, de utrius-  
que partis postulatis, ac præstandis  
tractetur, conveniatur & conclu-  
datur.

Hoc responso accepto, Legatus seco  
nequaquâ contētum esse, significavit,  
ac propterea petijt, ut Cæsarea Maje-  
stas mentem suam planius & explica-  
tius declararet, & determinatè atque  
absolutè in medium depromeret, an  
& quid, & sub quibus conditionibus,  
in hâc causâ facere, atque restituere in  
specie constituisset. Suos igitur Con-  
filiarios,

*Responsorum Cæsareorum.*

filiarios, *Kalend. Septembris*, ad Legatum convenire, & ei in hanc sententiam loqui iussit: Cæsaream Majestatem expensis & consideratis omnibus, quæ tam à Legato repræsentata, quàm quæ in hac causâ, consideratu necessaria essent, mentem quidem suam voluisse, candidè & sincerè hunc in modum aperire. In tribus versari potissimùm capitibus, totum hoc negotium; Primò, in restitutione Inferioris Palatinatûs: Jam verò sciendum, Regem *Hispaniæ* unam illius partem, propter ingentes impensas, quas fecerit in executione ei demandatâ, oppignoratam possidere; alteram partem tenere *Bavarum* pari modo; nunc autem rationi & justitiæ consentaneum esse, ut utrisque,

H

ante-

### *Enodatio*

antequam hæc pignora & hypothecam restituant, prius satisfiat. Cæsaream Majestatem eâ de re cum utrôque diligenter egisse, & eos eousque persuasisse, ut in restitutionem consenserint, sub hac tamen conditione, ut Ipsis emolumenta quædam, quæ pro compensatione jure prætendant, prius addicantur & præstentur. Ut verò Comes Palatinus tutò & quietè, sine impugnatione possidere possit restituenda, Cæsaream Majestatem ex merâ gratiâ abrogaturam Bannum; eumque in Ordinem & gradum Principum Imperij recepturam.

Alterum, concernere Electoralem Dignitatem: Quoniam verò Cæsarea Majestas de eâ, utpote de re ad Ipsam & Imperium pleno



*Responsorum Cæsareorum.*

no jure devolutâ, dudum, consentientibus & approbantibus Electoribus, & secundum præscriptum Legum & constitutionum Imperialium, liberè & absolute disposuerit, eamque tum in Ducem *Bavariæ*, optimè de Cæsare, totoq; Imperio meritum, tum in lineam *Gulielmianam* solemniter, & per Investituram, aliasque obligationes transtulerit; adeò ut res jam sit constabilita, & firmata atque immota, fas non esse de illius restitutione, in colloquium descendere, quamdiu aliquis ex dictâ Lineâ *Gulielmicâ* superstes sit.

Tertium Palatinatum superiorem contingere: De eo idem esse sentiendum & observandum, quod de Dignitate Septemvirali;

### Enodatio

nam ditiones istas Duci *Bavariae* & Lineæ *Gulielmianæ* traditas esse in solutionem partis impensarum, quas Dux ille, Imperatoris causâ, ad recuperandam Bohemiam impenderit. Hæc cum ita sint, & Cæsarea Majestas mentem suam tam simpliciter & planè detexerit; æquum omnino esse, ut Legatus nunc quòque declaret, quid Rex habitâ harum rerum, & Cæsareæ gratiæ & benevolentiae consideratione, vicissim in commodum & utilitatem Cæsareæ Majestatis & Imperij præstare, qualéque fœdus cum ipsis percutere intendat.

Ad ea Legatus paucis : Se gratias agere Cæsari, quòd tam enucleatè animum suum retegere voluerit, inde enim satis apparere possit.

*Responsorium Cæsareorum.*

quid in toto hoc negotio, Rex, à cuius expectatione ista sint remotissima, sperare possit ac debeat: acturum verò fuisse majores gratias, si ista citius, & statim ubi ad Aulam Imperialem accessisset, vel potius antequam ex Angliâ discessisset, fuissent enunciata, tum fortasse compendi fieri potuisse, tempus & impensas, neq; opus futurum fuisse plenipotentia, & solemni Legatione. Sibi jam os occludi, ut non possit ulterius progredi, aut aliquid in medium depromere: nihil aliud restare, quam ut de cunctis Regem suum certiore faciat, quod facturum sit fideliter & sine affectu; Cæsarem per suos ministros idem facere posse, si forte vereatur, Se, vel plus, vel minus dicturum.

### *Enodatio*

Biduo post Cæsari coram collocutus, repetijt quæ sibi à ministris ejus exposita fuerint, quæque his responderit, & quod in eo esset, ut misso Cursore, velit de omnibus Regem suum informare: In Angliam igitur ad Regem expedit literas; interea simulat se non expectato reditu Cursoris, discessurum, sperans, se apparatu sui abitus, moturum & flexurum ad moderationem & æquiores sententiam Cæsareanos, qui nollent fortasse, utre infectâ & rupto colloquij filo discederet: sed frustra, tempus interea elapsum est, & Cursor redijt, qui Legato literas à Rege attulit, per quas ei præcipiebatur, ut, quoniam spes nulla sit, obtinendæ per æquas conditiones restitutionis Palatinus Electoralis, domum reverteretur, relicto in Aulâ Cæsareâ Johanne Taylero.

*Responsorium Cæsareorum.*

*Tayloro.* Cum Cæsareani viderent Legatum in procinctu esse abeundi, omnem industriã, omnes artes, omnes nervos intenderunt & adhibuerunt, ut eum detinerent diutiùs. Hinc factum, ut Rex *Hungariæ* filius Cæsaris, qui novissimè advenerat, Legati propositum discedendi, sufflaminârit, spe singulari datâ, se procuraturum, ut hoc negotium restitutionis ad felicem exitum deducatur, neque Legatus causam habere queat conquerendi, aut poenitendi, si parvi temporis moram tulerit. Orator erga consultum judicavit, per aliquot dies discessum suum proferre; tum, ut videret, an aliquid magis æqui & moderati Cæsar dicere vellet, tum, ne occasionem daret, sibi exprobandi, quod præfestinantior fuerit, & auscultare renuêrit, quæ in medium pro-



### *Enodatio*

proponenda, offerrentur. Cùm verò tempus nimium illi extraherent, rem ad Electorum deliberationem remissam, horúmque sententiam priùs intelligi necesse esse causando, Legatus factâ unâ alterâve interpellatione Sequē frustra operiri animadvertēs, Electores, Regem, & Cæsarem adiit, & valedixit ad vi Idus Novembris.

Discedenti, promissio & spes facta, fore, ut brevi, antequam *Germaniâ* excedat, ei literæ & responsio, quæ postulatis ejus proprius accederet, transmittantur. Literas quidem aliquas *Norimbergæ* traditas accepit, inter quas una erat ad *Reginam Elizabetham*; sed in inscriptione studio omis- sum erat Electricis & Comitis Palatinæ cognomen, sub falso obtentu illud ei, propter Mariti proscripti causam dari non posse: ideo Legatus  
lite-

*Responsorium Cæsareorum.*

litteras istas, cum indignatione & ob-  
jurgatione, eò, unde venerant, remi-  
sit. Et sanè res est inaudita & crudeli-  
tatis, & injustitiæ, neq; inter Barbaros  
unquam intellecta, neque in sævis-  
sims Syllæ & Marij Proscriptionibus,  
neque sub Triumviris, exercita, ut,  
nimirum, propter crimen Mariti, eti-  
am atrocissimū & ex confessione  
manifestissimū, innocens mulier jure  
suo & bonis, atq; dignitate & nomine,  
quæ ante cōmissum viri flagitium, ha-  
buit & obtinuit, privaretur: sicuti ho-  
die ex parte Cæsareanorum, contra  
*Reginam Elizabetham*, fieri præsu-  
mitur, cui non solū dotalitia bona,  
vi & injuriâ, sunt adempta; sed etiam  
nomen, titulus, & dignitas, quæ nu-  
bendo consecuta est, præripi tentan-  
tur: cū tamen ejus Maritum crimi-  
nis imputati, nunquam fuisse convi-  
ctum,

### *Enodatio*

ctum, adhuc à Cæsare, in propriâ causâ, inauditum, indefensum, non vocatum, illegitimè, injustè & nulliter, ex mero odio & vindictâ, proscrip-  
tum. Sed ad rem.

De responsione verò illâ, de quâ Legato Britannico spes facta fuit, diu nihil audiebatur; tandem aliqua sive Notificatio, sive declaratio ad xiv *Kalend. Februarij*, exarata, in Angliam transmissa venit. Illa hæc continet:

Cæsaream Maiestatem, postquam cognovisset, potissimam difficultatem, quò minus hoc negotium, ad desideratæ utrinque arctioris coniunctionis & confederationis effectum, perduceretur, in eo verti, quòd Serenissimus Rex ampliorem aliquam satisfactionem, sibi pro Nepote suo quoad

*Responsorum Cesareorum.*

quoad Electoralem Dignitatem  
desideret, non intermisisse de me-  
diis omnibus, quæ ad superandam  
eam difficultatem pertineant, con-  
venienti sollicitudine, perquirere  
& indagare, communicando super  
hâc re, tam cum excelso collegio  
Electoralî, quàm cum iis, quorum  
hoc particulariter magis interest,  
& sine quorum consensu, rebus sic  
stantibus, soli Maiestati Suae Cæ-  
sareæ, de hâc re statuere, non om-  
minò est integrum. Postquam igitur,  
media quædam sese aperuê-  
rint, ex quibus spes affulgeat, pos-  
se prædictam difficultatem, quo-  
ad Dignitatem Electoralem, stan-  
te etiam Lineâ quondam Wil-  
helmi Ducis Baviariæ, superari,  
ac Serenissimo Magnæ Britannię  
Regi, ampliorem aliquam satis-

factionem dari, Romanam Regiam Maiestatem omittere noluisse, quin de hac re, Serenissimi Regis Magnæ Britanniae Ablegato *Johanni Taylero*, in hunc finem ibi relicto, significaret, qui de eadem ad Regem suum quantò ocys referre, & convenientem curam ut sufficiens mandatum, ad pertractandum ac penitus absolvendum, hoc restitutionis & confederationis negotium, quamprimùm vel sibi transmittatur, vel in alium, qui mittendus videretur, conferatur, adhibere novisset.

Atque hæc est brevis in compendium conjuncta Relatio eorum, quæ in hac solemnī Legatione ultrò citròque acta, dicta & scripta fuerunt. Iam verò, Primo loco, & ad faciliorem consequentium



*Responsorium Cesareorum.*

tium iudicationem notandum : Legatum Britannicum statim in primordio suæ Legationis, in propositione primâ, deinde iterum in alio libello ad Imperatorem, contra Cæsaris, ut illi vocant, *Decretum de die xxiv Februarii* exceptionem opposuisse, illud tum rejiciendo, tanquam nullum & à re vacuum, tum demonstrando præscriptas in eo conditiones longè infra spem & expectationem, quam Serenissimus Magnæ Britanniae Rex de integrâ restitutione Palatinatus, hoc est, tam territorij, quàm connexi muneris Electorij conceperit, esse, ac propterea meritò causam daturum fuisse de successu & confectione negotij, addubitandi & diffidendi, operamque expediundæ Legationis superfedendi, nisi aliunde, & maxime per ipsum Taylerum, cui *Decretum* istud traditum fuerit, amplior & lautior

atque firmior, spes & cautio, nomine  
 Cæsareæ Maiestatis data fuisset, solida  
 & plenæ circa Palatinatûs restitutionem  
 satisfactionis & gratificationis. Et sanè  
 indubium est, Prudentissimum illum &  
 Optimum Maximum Regem nequa-  
 quam Oratorem suum propter tam ie-  
 junas & ventosas, vituperij & prejudicij  
 plenas conditiones & leges, quæ in isto  
 scripto feruntur, missurum fuisse. Nisi  
 enim aliud & maius certiusque funda-  
 mentum spei suæ habuisset, aliisque ar-  
 gumētis & persuasionibus adductus fu-  
 isset, Legationem tam splendidam com-  
 pendii fecisset.

Præterea considerandum, Impe-  
 ratorem in primo suo responso, quod  
 Legato dedit *Lintzj* ad diem triges-  
 mam mensis *Junij*, tacitè agnovisse à  
 se profectam fuisse spem illam, quia  
 nihil contradixerit tunc aut excepe-  
 rit:

*Responsorum Cæsareorum.*

rit: imò etiam exceptionem, quam  
Legatus *xviii. Junij* contra dictum  
*Decretum de die xxiv Februarij* propo-  
suerat, tacendo cōprobarit, & ratione  
& veritate nisi agnoverit. Quod ve-  
rò postea *ὑπερσπουδαίως* contradixerit,  
addendo, Se mirari quo funda-  
mento Legatus p̄supsposuerit,  
Se spem dedisse vel amplioris  
gratiæ, vel restitutionis plenioris,  
quàm quæ in sæpemenorato De-  
creto contineatur, indicio erat Cæ-  
saream Majestatem in priori suâ sen-  
tentia firmiter permansturam, & ne la-  
tum quidem unguem ab eâ discessu-  
ram, quicquid alij vel dicerent, vel  
crederent in contrarium.

At jam operæ pretium fuerit, con-  
siderare & examinare, quæ & qualia  
sint Cæsaris oblata, que toties repe-  
tuntur & tanti æstimari & pro singu-  
lari.

lari beneficio reputari jubentur : de-  
inde, sub quibus conditionibus ea fi-  
ant, hoc est, qualia sint ea, quæ ab *E-*  
*lectore Carolo Ludovico*, & à Rege in  
agnitionem tantæ gratiæ vicissim præ-  
standa exiguntur.

Primo, offert Cæsar Se *Carolum*  
*Ludovicum* à Banno Imperiali ex  
delicto paterno in Eum derivato,  
eatenus & ad eum effectum abso-  
luturum, ut in Ordinem & gra-  
dum Principis S. R. Imperij  
recipiatur. Magnum, si Dijs pla-  
cet, beneficium illi, qui natus est Prin-  
ceps Imperij & jure proprio, acqui-  
sito, & primogenituræ Elector, qui non  
ex beneficio Patris & per viam hære-  
ditatis ; sed ex providentiâ legis & ex  
pacto primi acquirentis, jure gentili-  
tatis in Electoratum succedit. Si hoc  
Cæsaris oblatum Elector eo sensu,  
quo

*Responsorum Cesareorum.*

quo offertur accipit, cogitur agnoscere & præsupponere, Primò, Bannum contra Patrem Suum deproperatum legitimum & justum esse, & secundum jura decretum & promulgatum: Deinde, illud contra Se quòque locum habere, non secus ac si Ipse in Bannum esset declaratus & necesse haberet eo absolvi. Quod non solum contra apertissimum jus faceret; sed etiam Patri Regi τῷ παραστάτῃ, tum Sibi Suisque perpetuam ignominiam & maculam afferret. Nec bonâ cum conscientia, aut citra summæ ingratitude criminis facere id posset; tum quia Genitoris sui honorem & estimationem læderet, Eum rebellem, perduellē & reum Læsæ Majestatis, ac propterea legitimè proscriptum fuisse, tacitè agnoscendo & cōfitendo; tum quia in animo suo persuasus est,

K

Patri



*Responsorum Cesareorum.*

Patri suo injuriam factam Bannumq;  
contra eum evibratum nullum esse &  
illegitimum; & licet justè decretum  
& pronunciatum foret, contra se ta-  
men, utpote innocentem, & natum  
diù ante divulgatam proscriptionem,  
& jus quæsitum adeptum, & non Pa-  
renti ultimo possessori; sed primo ac-  
quisitori ex lege feudali & funda-  
mentali succedentem locum nequa-  
quam habere & extendi posse; Ban-  
num enim, ut inquit & probat Andreas Gallus mag-  
nus Iure consultus Cameræ Imperialis Assessor, duorum Impe-  
ratorum Consiliarius & quondam Ducis Bavariz Advocatus, lib.  
2. de pace publica, observ. 15. num. 2. est personale  
& cum personâ extinguitur, & observ.  
ultima. n. 32. Bannum morte, sive Banniti  
expirat, per se crimen vel pœna paternam nullam maculam  
filio infligere potest. 26. & ibid. nec alieni criminis successor con-  
stituitur. D. de pœna, & per l. defuncto D. de publicis judicijs.  
& per l. 1. & final. C. si reus vel accusatus mortuus fuerit.  
adde

## Enodatio

adde l. publica. 3. D. de publicis judicijs, & allegat. infr.

Deinde cogeretur confiteri & agnoscere, Se non esse Principem Imperij, quia opus habeat in istum gradum ascisci. Qui Eum pro Principe Germaniæ, hoc est, vel pro Comite Palatino Rheni non æstimant, necesse est ut præsupponant Eum vel Nothum, vel Hispaniæ, vel Galliæ, vel alterius Imperij: at hoc falsum, (nisi quod Angliæ Princeps ideo dici meretur, quia Princeps est sanguinis Anglicani) sicut illud Diabolicum est. Iura sanguinis, inquit lex, nullo jure civili, per quod Bannum est introductum, dirimi possunt. l. jura. 8. D. de regul. juris. l. jus agnationis. 34. D. de pactis.

Principis Anhaltini proscripti filius, quamvis in prælio Pragensi captus, nunquam opus habuit recipi in gradum Principum, sed semper, etiam in captivitate, quia proscriptus ipse

### *Enodatio*

non erat, nec in eum derivari ullo jure Bannum Patris poterat, habitus, tractatus & vocatus fuit Princeps, ab ipso Cæsare & Cæsareanis, quamvis Pater ipsius nondum esset absolutus à Banno. Ita filij *Johannis Friderici* Electoris *Saxoniae*, in numero Principum habiti, & pro Ducibus *Saxoniae* agniti, & ita compellati fuerunt, Patre licet Bannito & captivo. Quinliberi Regis *Friderici*, Comites Palatini, hoc est, Principes Imperij ex Illustriissimâ Prosapia nati & orti, atque pro talibus etiam agnoscendi & tractandi sint, quis negare potest? Ipse Imperator eos non aliter quàm hoc nomine compellat, nec aliter compellare potest. Quid autem sit in Imperio Comitem Palatinum, & ex Septemvirali Palatinâ stirpe editum esse, vulgò notum

*Responſorum Caſareorum.*

tum eſt. Nemini hoc nomen & titulus competit, & inditur, niſi qui ſit Princeps : Comitem Palatinum nominari, & inter Comites Palatinos accenſeri, idem eſt ac eſſe Principem Imperij, tali loco & gradu, qui in Imperio tribuitur ſecundum ordinem Comitibus Palatinis, qui ſunt primi & præcipui inter omnes reliquos Principes. Agnominatio Comitſ Palatini in Imperio plus eſt, quàm Ducis aut Principis : hinc fit ut in deſcriptione titulorum & dignitatum Principes Palatini nomen Comitſ Palatini præponant titulo Ducis.

Liberi Regis *Friderici* nonne ſunt Pronepotes Regis Daniæ ex Sorore? nonne ſunt Principes è ſanguine regio Britannico oriundi? Si vel hæc

### *Enodatio*

solâ prærogativâ nascendi niterentur,  
& non accederet generis paterni  
splendor, quis negaret eos Principes  
esse? quis ausit præsumere eis hoc ius  
à Matre, ab Aviâ & Proaviâ Regi-  
is filiabus & Reginis collatum dispu-  
tare & auferre propter Patris qua-  
lemcunq; condemnationem? Hæc  
cùm ita sint, quo fundamento & iure  
statuitur Carolum Ludovicum  
Electorem, natum Comitem Pala-  
tinum, & quidem tribus plus minus  
annis antequam Pater ipsius fuisset  
proscriptus, opus habere recipi in  
numerem & gradum Principis Impe-  
rij? Magna est crudelitas eò addu-  
cere & cogere filium, ut Patrem su-  
um, quem infontem in animo & con-  
scientiâ arbitratur, pro rebelle, per-  
duelle & reo Majestatis, propriâ con-  
fessione & agnitione, iudicet & de-  
clare:



*Responſorum Cæſareorum.*

claret: major etiam, ſi ſemetipſe nocentem, qui tamen nullius culpæ ſibi conſcius eſt, nec per ætatem malefici-  
cium committere potuit, ſiſtere & ſuis iuribus, dignitate & natalium prærogativâ exuere cogatur & com-  
pellatur.

Esto ſanè, ſalvâ tamen veritate,  
Patrem omnium maximum facino-  
roſum fuiſſe, & crimen perduellionis,  
fractæ pacis & Læſæ Majeſtatis, in ſu-  
premo gradu commiſiſſe ac propte-  
rea iuſtè ei aquâ & igne interdictum,  
omniſque iuribus humanitatis pri-  
vatum eſſe; hoc tamen liberis ante  
ſententiam condemnationis paternæ  
conceptis & natis, minimè nocere de-  
bet, præſertim in hiſ, quæ innatam  
dignitatem & juſ nobilitatis concer-  
nunt, quæque non deſcèdunt ex per-  
ſonâ Patris, ſed debentur, jure ſangui-  
nis

nis, lege gentilitatis & ex pacto ac  
transmissione Majorum, atq; ex dis-  
positione legis ; sicuti sunt Electora-  
tus & Principatus Imperij, hoc est,  
feuda regalia, antiqua, quæ non veni-  
unt nomine hæreditatis, neq; ex suc-  
cessionem Patris ; sed iure primæ & si-  
multaneæ Investituræ, & per traditi-  
onem primi acquirentis & conce-  
dentis, c. 1. §. postea verò, & gloss. in. d. c. §. cum verò, Con-  
radus, in verbo. frater. lib. 1. de feud. tit. 1. De his qui feudum dare  
possunt. Baldus ad Rubric. de successione feud. ad §. Hoc quoq; n. 4.  
Filius inquit, non venit ut quilibet hæ-  
res ; sed iure sanguinis, quod est im-  
mutabile. & in c. 1. §. finali. Eæ fuit prima causa benefic-  
amittend. Iure, ait, genituræ, beneficio,  
Domini expressâ formâ Investituræ,  
à cuius tenore non est recedendum,  
filius in feudo succedit. Iulius. Clarus supre-  
mus Regis Hispaniæ Consiliarius & Regens in provincia  
Mediolanensi lib. 4. Sentent. §. feudum, quest. 66. docet, quòd  
crimen

## *Responsorium Casareorum.*

crimen Patris non excludat filium à feudo antiquo, & lib. 5. sentent. 5. l. de Majestatis. n. 19. quòd poena Læsæ Majestatis non habeant locum in natis & conceptis ante delictum Patris, ubi in notis addit Balardus poenam Patris nocere filiis tantum in his, quæ descendunt ex personâ Patris, secus in alijs, nempe feudis ex pacto & providentiâ. Adde Boerium, qui de cistron parte 1. quaest. 10. n. 5. dicit, quòd filij ob crimen Patris non privantur bonis eis antè delatis, & quòd poenâ quisque. Cod. l. In litem Majestatis. non habet locum in filiis jam natis; sed post delictum. Cynan in d. l. quisque. Alciatum qui consil. 467. n. 7. communi opinione negat, dictam, d. quisque pertinere ad legitime conceptos & natos ante delictum. Adde Coramvianum, Grapmanum, Collum, Myningham, Beldum, Bartolum, Iferniam, Alvarotum, Bertholum, Cammerarium, Rolandum de Valle, cons. 74. lib. 3. Wesenbocium, Curtium Juvicrem & innumeros alios in eadem sententiam. Considera autem

L

impri-

### *Enodatio*

imprimis has leges sequentes, li. 3. D. de interdictis & relegatis & deportatis, *Quæ* verò, inquit lex, non à Patre, sed à genere, à Civitate, à rerum naturà tribuuntur, ea manent liberis incolumia, Patre relegato, *aut proscripto*. l. 2. c. de libertis & eorum filijs dicit expressè delicta parentum non nocere filijs, quos tunc ortos constiterit, dum illi libertate potirentur. l. emancipatum à Patre 7. §. 1. & 2. §. de Sen. nat. ibi. Si quis conceptus quidem sit antequàm Pater eius (propter crimen) Senatu moveatur, natus autem post Patris amissam dignitatem magis est, ut, quasi Senatoris filius intelligatur. Tempus enim conceptionis spectandum, &c. 2. in d. l. dicitur. Avi potius dignitatem prodesse filio, quàm obesse casum Patris. & l. filium familias. 9. D. eodem. quæsitæ, ait, dignitas liberis, propter casum Patris remoti à Senatu, auferenda non est. l. qui ad tempus. 1. §. 3. & 4. D. de Decurion. & filijs eorum, ubi dicitur  
filium

### *Responsorum Cesareorum.*

filium, si post conceptionem Pater ipsius dignitatem amiserit, non perdere tamen ipsum dignitatem, *Item s. 4.* eum, qui post Patris relegationem & proscriptionem natus sit, si quidem ante conceptus sit, habendum esse Senatoris filium. *Andreas Gailius l. 2. de pac. public. observ. 15. n. 23.* bona, inquit, feudalia; mortuo Bannito, filiis aliisque agnatis restitui debent, quia delictum Patris vel agnati, non potest in feudo antiquo, ex pacto & providentiâ, præjudicare filiis & agnatis, *& n. 34.* defuncto Bannito, feudum antiquum & gentilium ad hæredes sanguinis, quibus ex pacto & providentiâ primi acquirantis, jus quæsitum est, revertitur, quibus regulariter delictum Patris vel agnati impedimento esse non potest. Verùm de istâ materiâ in libro nostro *Vindiciarum causæ Palatinæ.*



*Enodatio*

quò lectorem remittimus, plenè & diffusè atque ex professo tractamus. Interim detestandum quòd, dum his beneficijs & dispositionibus legum & iurium promiscuè unusquisq; civis, inferioris licet subsellij, frui & catus esse possit: liberis tamen Principum hæc iustitiæ ordinatio denegetur, ijque deterioris, quoad iustitiam, conditionis esse judicentur. Sed ad rem.

Offert Secundo loco Cæsar, Se-  
restitutarum Comitum Palati-  
num in partem haud contemnen-  
dam ditionem avirarum. Iam  
considerandam partem eam non no-  
minari: nec declarari & innui quæ,  
qualis & quanta futura sit. Ex in-  
terpretatione & iudicio Cæsareno-  
rum dependet, an talis sit, ut pro non  
contemnenda sit estimanda. Si se-  
cundum

*Responsorium Casareorum.*

cundum æstimationem conditionis,  
in quâ Electorem posuit, compu-  
tant; etiam parvam portionem pro  
magnâ æstimabunt. At hæc fortas-  
sis tam exigua & contemptibilis erit,  
ut Regi & Electori eam accipere  
turpe & ignominiosum fuerit, mag-  
numque afferat præjudiciam. E po-  
stremâ quidem, quæ data fuit Legato,  
declaratione, deprehenditur & per-  
spicitur, tum Electoris dignitatem  
& meritis, rem præcipuam & maxi-  
mam, quæ ad restitutionem pertinet,  
tum Palacium superiorem, partem  
congruam parti, quæ in inferiore re-  
stitui restituenta, removeri & scèrni  
à restitutione: de nebro enim men-  
tionem ullam faciendam, neque spem  
consequendi præsumenda esse, quam-  
diu aliquis è stirpe *Bavaricâ* super-  
sit, clarè ibi edicunt. De parte tan-

*Enodatio*

tum illâ, quam Bavarius & Hispanus in inferiori Palatinatu jure hypothecæ καὶ ἀντιστοιχίας possident, spes datur, fore nimirum, ut illa sub certis conditionibus, si prius hypothecariis satisfactum fuerit, restituatur. Pars autem hæc, ( si ab eâ excipias, sicut excipere fas est, tum ditiones, quæ Ludovico Philippo Duci Simmerensi Patruo Electoris debentur, tum bona Electrici Ludovicæ Palatinæ, Avix, & Reginae Elizabethæ, matri, viduabus, in dotaltium assignata ) perexigua & tenuis admodum erit: minor adhuc futura, si ab eâ separes agros, fundos, villas & oppida, quæ Leopoldo Austriaco, Episcopis Moguntino, Wormatiensi & Spirensi, Magistro Equitum Ordinis Teutonici, Landgravio Darmstadiensi, denique

### *Responsorium Cæsareorum.*

que alijs data, concessa & tradita fuerunt. De his enim nulla fit à Cæsare mentio, ideo minimè præsumi potest, ea in restitutionem partis illius non contemnendæ computari. Iam & hoc animadvertendum, non addi & exprimi, quando & cum quibus conditionibus possessio circumcisæ istius particulæ tradi debeat. De hoc prius conveniendum erit, atque facile fieri poterit, ut iniquæ & anormes intolerabilesque, & in quas cum honore & conscientia Elector consentire nequeat, conditiones præscribantur & ferantur, quæ tam Religionis & Sacerorum receptum & pristinum statum, quàm formam administrandæ & regendæ Reipublicæ labefactent, & novis restrictisque legibus coarctent. De eo quidem nullum est dubium, Hispanos & Bavarum nequaquam

### Enodatio

quam reddituros, quæ ipsi in Palati-  
 natu κατ' ὄψιν usu capiunt, nisi prius  
 emolumenta & commoda, quæ in  
 compensationem καὶ εἰς ἀνταπαλήψεωσιν  
 prætendunt & pertendunt, quorum  
 pretia intendere & amplificare nō-  
 runt, reapse consecuti fuerint: Hispani  
 sanè fedus & auxilium contra Ba-  
 tavos & Gallum, tum protectionem  
 vel deductionem suarum navium sibi  
 volent ab Anglis promitti & præstari,  
 id quod jam olim prætenderunt, dum  
 subinde intonabant, non aliter se re-  
 stitutos partem quam teneant in  
 Palatinatu, nisi sub istis & similibus  
 conditionibus. Bavarus, ὅς μιν οὐδὲν  
 ἄλλο σκοπεῖ, πλὴν ὅπως πλεονέξῃ. Demosth.  
 nummorum aliquam summam, &  
 hanc non exiguam postulabit. Caro  
 igitur & nefando pretio constaret  
 pars illa qualiscunque: quæ tamen,  
 si



### *Responsorum Cesareorum.*

si præsens in Palatinatu desolatio & vastitas agrorum, si deserta & incolis vacua regio, si villarum & oppidorum ruina, & in cinerem inque favillas redacti lares considerantur, nullius planè æstimationis aut pretij habere potest.

Porro & hoc perpendendum, Principem Electorem non posse citra præjudicium juris sui, citraque violationem legis fundamentalis, consentire in aliquam partitionem, seu partis alicujus acceptationem, quia in Aureâ Bullâ, sanctione pragmaticâ diversis in locis, verbis sæpiùs ingeminatis & enixioribus, omnis divisio, scissio, distractio & deartuatio interdicta, simul etiam sacro-sanctè sancitum est, dignitatem Electoralem ita territorio Palatinatûs conjunctam & con-

M                      nexam,

### *Enodatio*

nexam, ut alterum ab altero in perpetuum nullâ prorsus ratione separare possit. Si nunc igitur partem aliquam acciperet *Εἰς μερισμὸν καὶ διέλυσιν*, in partitionem & divisionem consentiret, & agnosceret Septemviralem dignitatem aliquo saltem modo separari posse vel à toto, vel à parte Palatinatûs: id quod citra præjudicium juris, & integræ suæ restitutionis vix facere posset; nisi fortè pars aliqua integralis, hoc est, totus inferior Palatinatus, cui alligata est dignitas, redderetur, & quidem cum hac conditione, ut jus & spes consequendi reliqua integrum & illæsum maneat. Tum non partitio & divisio perpetuò mansura dici posset, sed potius suspensio integræ restitutionis & conglutinationis. Sed à tali moderatione & consilio longè abest & Casaris.

*Responsorum Cesareorum.*

ris Bavarique, & gregalium mens & scopus, sicuti non tam ex ultimo supra relato responso, quàm ex alijs declarationibus & ex ipsâ experientiâ perspicitur.

Tertiò, Imperator offert Se juxta ac conventum fuerit, Investituram impertiturum. Iam verò sciendum hanc Investituram restringi ad eam duntaxat partem, quæ promittitur restituenda, sicut *Rodoldus* Imperatoris in Angliam missus Internuncius, clarè declaravit: non autem extendi ad totum Palatinatum & annexum Archidapiferiæ officium. Talem autem limitatam ad unam partē restrictam Investituram, Princeps Elector sine magno suo præjudicio accipere non potest, quia eo facto excluderetur & præteriretur in generali, principali, simultaneâ & toti

## *Enodatio*

generi masculinæ stirpis debitâ Investiturâ, de omni Palatinatu cum co-  
hærente dignitate & pertinentijs; V-  
nius autem inclusio est alterius exclu-  
sio, c. nonne, De præsumt. Qui in hâc commu-  
ni Investiturâ non comprehenditur  
expressè, non potest ullum jus postea  
prætendere ad successionem & adepti-  
onem Palatinatûs & muneris Ele-  
ctoralis. Nullus est Comitum Pala-  
tinorum, quin in istâ Investiturâ fun-  
det jus & spem suam ad Palatinatûs  
& dignitatis colligatâ successionem.  
Investitura enim tribuit jus, causam,  
actionem, spem & prætensionem suc-  
cessionis in feudis, c. 1. Quib. modis feudum consti-  
tuitur, c. 1. in principio, de succession. Fratrum, c. 1. in fine, de  
feudo cognat. c. si facta. si de feudo defuncti controversia sit inter  
Dominum & Agnatos Vasalli. Investitura est quæ-  
dam in possessionem missio, Mysing. cons. 64  
n. 10. & vim contractûs habet, imò  
con-

### *Responsorium Cæsareorum.*

contractus est, Menoch. conf. 101. n. 28. conf. 103. n. 53  
& ex illa filij & Agnati jus & spem  
habent acquisitam, quæ illis citra su-  
um factum postmodum auferri non  
potest, ut ait Wesenbecius, conf. 41. n. 103. in fine. Præ-  
terea in antiquis feudis jus confirmat,  
etiamsi alius incumbat injustæ posses-  
sioni, Vicius Zasius conf. 1. lib. 1. n. 24. Tiraque ll. in tractatu  
le mort saisit le vif. declarat. 7. post. 5. n. 15. & 16. Wesenb. confil.  
1. Vol. 1. n. 49. ita citat Nicoläus Burgundus in libro de Electo-  
ratu Bavarico. Interest igitur Principis Ele-  
ctoris, ut cautè & circumspectè in hoc  
agat, operam dando ut Investituram,  
hoc est, renovationem antiquæ &  
in Domo Palatina usitatæ commu-  
nis Investituræ, pro se tanquam ca-  
pite familiæ, proque fratribus &  
Agnatis suis obtineat, nequaquam  
permittendo, ut vel ea omittatur, vel  
ipse & cæteri investiendi prætere-  
antur.

M<sup>3</sup>.

Quar-



### *Enodatio*

Quartò, Imperator offert, se, cùm ad tractatus ventum fuerit, quoad dignitatem Electoralem & reliqua petita, eum servaturum modum, ut in iis, quæ æquis conditionibus concedi poterunt, habeat cùm Serenissimus Rex unde studium & benevolentiam Cæsareæ suæ Maiestatis in se, tum quoque Comes Palatinus propensam in se gratiam possit cognoscere. At animadvertendum est, hanc Cæsaris *ὑπόθεσιν* per bina ultima eiusdem responsa cancellatam & abrogatam esse. In his enim clarè dicitur, dispositiones Cæsaris de dignitate & ditionibus Palatinicis Electoralibus per nupe-ram Pacem Pragenslem confirmatas, ac consequenter nunc ab universis Imperii ordinibus comprobatas

*Responsorum Cæsareorum.*

batas esse. At enim per istas dispositiones, quas perpetuò vigere debere in tabulis illius pacis cavetur, omnes spes consequendi unquam Electoratum & annexas provincias, liberis Regis *Friderici* aufertur & præscinditur: dum ibidem planè refertur per eas, non solum Duci Bavariae, sed etiam Lineæ Gulielmianæ, hoc est, illius Patris stirpi, è quâ quinque masculi hodie existant, in perpetuum collatum & traditum esse Electoratum.

Quod idem appertius & enucleatius in altero ultimo responso enunciatur, dum ibi apertissimè Cæsarea Maiestas confitetur & indicat, Se non tantum Duci Bavariae, sed etiam Lineæ Gulielmicæ, tam dignitatem Electoralem, quam superiorem Palatinum hæreditario

### *Enodatio*

rio iure concessisse, ac propterea nullum prorsus de eorundem restitutione colloquium quamdiu Linea illa superstes fuerit, admitti posse. Recisam igitur ab omni parte, & ab ipsâ stirpe spem consequendi Electoralem dignitatem & superiorem Palatinum, ex his apparet luculenter. Quâ nunc fiduciâ, quo fundamento, quo colore, colloquium de restitutione Palatinatus continuari potest? Significatum quidē postea fuit, quod consilio, cum excelso Collegio Electorali, & quorum intersit, habito; media quædam sese aperuerint, ex quibus spes effulgeat, posse difficultatem, quoad dignitatem Electoralem, stante etiam Lineâ Gulielmianâ Bavaricâ superari ac Serenissimo Magnæ Britanniae Regi, amplior  
rem

*Responsorum Cesareorum.*

reparationem satisfactionem dari.  
Sed quem in finem ista ex cogitata &  
invenio? nemo non, qui ratione  
uti voluerit, animadvertit. Nulla  
enim probabilis ratione nituntur, sed  
extoluntur, ut Regem Britanniae &  
omnes eos, quorum causa Palatina  
interest, vanis & inanibus colloquijs  
teneant impositos & illaqueatos, ne  
ad arma conculcent & occasiones  
circumspiciant, neque Gallis, Suecis,  
& alijs Austriacorum hostibus, se se  
consocient. Usitatae haec sunt artes in  
Caesaris & Hispani Curijs, sicut com-  
pluribus exemplis comprobari pos-  
set. Illorum sane Ministri eas tam  
perfecte edocti sunt, ut merito mag-  
norum Politicorum nomen & fa-  
mam inter mortales acquisiverint, Eis  
itaque apertis & vocatis. no. & vocatis  
indisponi.

N

Sed

### *Emendatio*

Sed quod, amabò, medium reperiri potest, ut hinc juri & prætensioni justissimæ Caroli Ludovici Electoris, & hujus Fratrum Agnatorumq; : istinc ambitioni & cupiditati insatiabili Bavaricæ satisfiat? Oportet ut alteruter tantum Elector sit, & locum Electoris possideat: duo in uno subsellio cōsidere non possunt, nec unius hominis desungi munere, unâ linguâ loqui, unum suffragium ferre. Formam Reipublicæ Germanicæ Septem Electores, tanquam septem fulcra constituunt: si vel plures, vel pauciores sint, harmonia & moles illius ædificij corruat, necesse est. Aurea Bulla, quæ lex est Regia fundamentalis, & sanctio pragmatica, septem duntaxat admittit, & unicuique suum officium, suum Principatum & potentiam, cui connexus est Electoratus,



### *Responsorium Cesareorum.*

ratus, assignat & addicit: hinc etiam  
septem candelabra nominat, quorum  
numerus neque augeri neque minui  
possit, citra corporis Reipublicæ  
convulsionem & everisionem. Si  
plures forent, novem nimirum, vel  
undecim, (numerus enim inæqualis  
esse ipsam naturam debet, ne suffragia sint  
paria, quæ res divisionem ac scissionem  
in Electione Regis adferret, )  
quænam ipsis sedes, officia & munera  
tantæ dignitati condecencia attribui,  
quæ terræ & provinciæ ad constitu-  
endum Electoratum assignari pos-  
sunt. Auræ Bullæ autoritas tanta  
est, ut mutari & violari ab Imperato-  
re ne cum Electorum consensu possit;  
nisi is velit everfis legibus, hoc est,  
fundamento, ipsam Reipublicæ con-  
stitutionem & summam convellere  
& pervertere.

N 2

Quod

Quod si contingeret, ut novem Electores crearentur, quomodo uniusque suus ordo & gradus ascribi poterit? Palatinus quidem è loco & sede su, hoc est, ex jure & possessione, tot ætatum usu, & legibus fundamentalibus, tot Imperatorum Ordinumq; omnium consensu confirmata, se dejici & deturbari haud permittet; quia id sine honoris & conscientiae suae læsione, citraque ignominiam & injuriam totius suae gentis, facere nequiret. Confiteretur enim, & suam patientiam & exemplo palam faceret, se non injustè jure suo veteri & acquisito & prærogativam inter Electores sibi ab antiquo competente, privatam esse, & gratiae magnae loco reputare, quod novus homo & precarius Elector factus esset. Cum minore dedecore & probro renunciaret si Electoratu,

*Responsoria Caspareorum.*

tūh, quā in ejusmodi tempore pri-  
mo gradus uel ordinis hinc confirmat  
commutationem, quae fatuae & pusillae  
laminæ ambitionis signum foret, con-  
fendit. Bagatus quoq, nequaquam  
se removeri patitur ē sede illā, in  
quā cum tantā tamque indomitā  
aviditate & furore atque impetu,  
cum tanto labore & sudore, cum  
tantā denique sanguinis effusione, &  
longā armorū continuatione inlab-  
pit, quāque arripuit & spū genū  
intulit. Licet novus inter Electores  
homo meliori, quā nullus alius, ju-  
re aestimari, ac proinde postremo  
adsidere debeat loco, atque regiam  
re ambitionis, est hī tamque elatus  
& contumacem generosū animum  
spiritum gerit, ut de principatu  
cum prioribus & se multū ve-  
rustioribus Electoribus, imò & ipso

*Enodatio*

Imperatore, summa contentione disputare non addubitet, sicut superioribus annis experientia docuit, quando Caesarem in Conventu Ratisbonensi in ordinem & cō redegit, ut *Wallersteinium* exaudire & reliqua omnia, quae ipse tam scisceret, approbare cogeretur. Dum antequam Bavarus inter Electores à Caesare referretur, tempore etiam Imperatoris *Rudolphi* & *Matthiae*, Archiducibus Austriae quaestionem de primo & digniore loco movit, titulum etiam Serenitatis nominis atq; Austriaci affectavit, & *Ferdinandum*, qui ipsius ope indigebat, tandem eò compulit, ut istum titulum sibi daret, antequam & factus esset novus Septemvir. Verum quidem est, quòd ab omni aetate Duces Bavariae, rerum potentes & familiae capita, difficultatem fecerint  
Archi-

### *Responsorum Cesareorum.*

Archiducibus Austriae, si non alia,  
Regia nimirum, vel Imperatoria dig-  
nitate fuissent adornati, in Imperii  
conventibus & Comitibus loco & gra-  
du cedere; quia se vetustiores Duces  
esse dicebant, nec Imperatoribus ex  
Austriacis oriundis suos fas fuisse po-  
steros Bavarum genti, quae sui principis  
subsellij jam dudum haberet, prae-  
ferendi, creando eos Archiduces, quia  
etiam Bavariae Dux, tanquam digni-  
or, primo loco, in latere, ubi Principes  
saeculares confidem, assideret, horum-  
que nomine, decreta & leges in Co-  
mitibus ab ordinibus rogatas & com-  
probatas subscriberet & consignaret:  
Austriaci vero, qui post Bavarum se  
collocari non sustinuerunt, e latere  
hominum Ecclesiasticorum, Praesu-  
lum & Infultorum assiderent. Ve-  
runtamen nullus Bavarorum, cum  
tantâ



tanta contentione & ambitione felicio-  
 rique cum successu, quam hic moder-  
 nus Dux, praeter antiquam in familiâ  
 suâ conservandi splendoris & dignatio-  
 nis studium, controversiam illam mo-  
 vis & paravit. quâ non solum  
 Sed ajunt verisimile & sperem esse Ba-  
 varos, non ad hoc posse, ut in pactum al-  
 ternationis coacti, hoc modo, dum  
 post mortem Maximiliani Bavarii re-  
 rum non potientis, Electoria dignitas  
 & functio inter hunc & Regis Fri-  
 derici Palatini primogenitos filios  
 & Nepotes, alternis exerceatur & pos-  
 sideatur vicibus: alterutris posteritate  
 deficiente, superstiti Electoratus totus  
 & pater in solidum, velut iure accres-  
 cendi, relinquatur. Sed campe & logi-  
 hi sunt, qui nullo fundamento consis-  
 tunt, & ad circumveniendum & illaque-  
 andum credulorum animos inventi sunt.

Tantum

### *Responsorum Cesareorum.*

Tantum enim abest ut Bavari, hoc rerum statu, quo prædominantur & res suas constabilitas habent, simulque potentia, autoritate & gratiâ in Imperio prævalent, in talem pactionem sint consensuri; ut etiam connivere & permittere nolint, ut Controversia de Electoratu vel seponatur, vel in suspenso relinquatur, reservato unicuique parti jure suo, vel ad colloquium, vel ad judicem competentem remittatur: sicut id palam & cum magnâ contentione, tum aliis, tum nuperrimè in Conventu Ratisbonæ habito, publicè declarârunt & edixerunt; ideoque etiam Imperatorem eò adegerunt, obstinacissimè pertendentes, ut Palatini stirpis Rupertianæ tam diu, donec Bavarica Gulielmiana superstes & in vivis esset, à spe & consecutione Electoratûs maneat exclusi, neque illis permittatur, litem de eo his

O

movere:

### *Enodatio*

movere: sed cogendos esse, ut præten-  
sionibus suis renunciarent, simulq; cave-  
ant, se nihil illius causâ in Imperio de-  
inceps moturos: ni faciant, neq; Ger-  
maniae, neq; Bavaris de pace & secu-  
ritate prospectum fore. Si enim Pala-  
tinis, inquit, jus suum reposcendi  
facultas & ius datur, Eos, si præsertim  
occasiones & adminicula, quæ resti-  
tuti ad Ditiones facilè consecuturi &  
circumspecturi sint, faverint; minimè  
quieturos, donec Bavaros iterum ab  
Electoratu depulerint: ut filij &  
Nepotes *Rudolphi* fecerint, qui Papi-  
ensi transactione, & pacto, alternis vi-  
cibus exercendi munus Electorale,  
rupto, liberos & posteros *Ludovici*  
Bavari Imperatoris, possessione suâ  
per vim & dolum exturbârint. Ne-  
cessè igitur, ut ante omnia, & prius-  
quàm Palatini in Imperium admit-  
tantur,

21

*Responsorum Cæsareorum.*

tantur, & ad Principatum restituantur, hæc quæstio absolutè determinetur aut transigatur; aliàs fomitem & materiem fore novarum turbarum & belli, atque istâ ratione Imperium & Rempublicam nullâ securâ, stabili & firmâ pace fruïturum, sed in continuo metu versatutum. Hæc illi ex animi sui Sententiâ proferunt & statuunt, quibus id quòque deliberatum à principio, decretumque fuit. Atque hinc factum, ut non tantum in tabulas Pragenfes inter conditiones facilè illius pacis, perpetuam stirpis Bavaricæ in Septemviratu successionem, & Palatinæ gentis exclusionem inseri vafferimè & per comminationes atque persuasiones procurârint, Sed etiam Imperatorem importunitate suâ compulerint, ut Spem consequendi

O 2

Electo-

### *Enodatio*

Electoratûs & superioris Palatinatûs  
omnem Palatinis præciderit, edicen-  
do & rescribendo confidenter &  
absolutè, se non posse permittere, ut  
de illorum restitutione postulatio fi-  
at, aut colloquium vel conventio,  
quamdiu soboles mascula è stirpe  
*Gulielmi* Bavari supersit, instituat,ur,  
sicut suprâ audivimus. Age verò, di-  
cant & fidem faciât se consensuros in  
ejusmodi alternationis, seu per vices  
successionis conventionē: num fas &  
jusest, ut *Carolus Ludovicus* nascendi  
& proprio & primogenituræ jure, atq;  
per legem & majorum provisionē &  
traditionem Elector natus, ceteriq; e-  
jus Fratres & Agnati, quibus jus ac-  
quisitum est, in illam Sibi suæq; genti  
probrum inferentē, imminutionēq;  
veteris juris & prærogativæ afferen-  
tem, conditionē, consentiat. Quâ fide,  
quâ



### *Responsorum Cæsareorum.*

quâ fronte, quo prætectu cogi poterit, ut jus & possessionem Suam, tot sæculorum lapsu, tot Imperatorum confirmatione, totius denique orbis & omnium ordinum, qui à primâ inde constitutæ Reipublicæ ætate vixerunt, approbatione constabilitam & corroboratam, in gratiam ingratis-  
simorum & infestissimorum gentium, labefaceret, diminuat & discerpatur. Quis sustineat, quis non stomacharetur & diras funderet, si Palatinos Principes, quibus legum patriarum & institutorum priscorum protectio & conservatio tantæ curæ fuit, qui pro libertate, qui pro Aureæ Bullæ, aliarumque constitutionum & sanctionum fundamentalium tuitione, nullum discrimē nullum vitæ periculū adire dubitârunt, eas tam turpiter, tam temere violare videre. Nōne alternationis pactū, quod  
Bavari

### *Enodatio*

Bavari etiam ante tria secula introducere & invehere præsumebant, per Auream Bullam *Caroli* IV, per subsequantium Imperatorum confirmationem, per inviolabilem tot annorum consuetudinem sublatum est, tanquam res mali exempli, quæ ad Imperii exitium & ruinam spectaret, discordiam & divisionem inter Ordines aleret, fomēque esset perpetuarum turbarum & motuum?

Atque ex his, quæ tamen primoribus tantum labris delibantur, apparet, quid de medijs illis, ad superandam difficultatem de Electoralis dignitatis restitutione propositis, sit judicandum. Sive enim per alternas successio & functio vices proponatur, sive de duobus novis septem antiquis adjungendis Viris consilium

### *Responsorium Cæsareorum.*

filium decur : utrumq; ἀνέχθων καὶ  
ἀνένδεκτόν ὄντι, quòd neque ullâ cum  
ratione, securitate, utilitate ad ef-  
fectum perducì potest. Dicant i-  
gitur, promittant, offerant quic-  
quid velint, iurent quantum ve-  
lint, indubium & exploratum est  
Cæsarem, Bavaros & socios nun-  
quam recepturos in pristinum dig-  
nitatis & fortunarum statum vel *Ca-*  
*rolum, Ludovicum, Electorem,*  
vel ejus Fratres & Agnatos, neque  
permissuros, ut ad aliquam, quæ  
ipsis formidabilis sit, potentiam per-  
veniant, ne captatâ occasione, eâ  
ad vindictam & ad adempta recupe-  
randa, accitis undique auxiliis, u-  
tantur. Breviter, omnem operam &  
oleum perditum iri planum & mani-  
festum est, si hâc rerum tempesta-  
te, & quamdiu Bavarus superstes  
&

### *Enodatio*

& toto caput orbe secundum, est, per amica colloquia exeffici posse speratur, ut sub æquis conditionibus, Palatinatus Electoralis integrè cum dignitate & purpurâ Septemvirali restituatur. Aliam consiliorum oram inveniendum, aliâ viâ incedendum, aliam temporum inclinationem expectandum est, ut obstinati & successu rerum elati, longâque felicitate effertati, & inveterata potentiâ insolentes animi, ad sui agnitionem redigantur, & ad moderata consilia flectantur.

Atque hæc sunt quæ à Cæsare offeruntur & pro singulari Cæsareâ gratiâ & beneficio æstimari jubentur, quæque arctiorem Regis cum Domo Austriacâ conjunctionem & foedus; aliâque officia promereri dicuntur: iam considerandum, sub quibus

## Responsorium Caesarorum.

quibus nobilitatibus hanc gratiam, ex  
quâ serenissimos REX benevolenti-  
am & propensionem erga de Cesar-  
ris, & se ipsam clementiam erga  
Nepones iudici deprehendere debet,  
concedatur imen & aut clementiam  
in Conditiones vero expressè præ-  
scribuntur, omnes scilicet, etiam re,  
de quibus tractandum adhuc est, sub  
conditionem fœderis inveniendi compin-  
guntur, sicut ait responsum.  
In prima autem Conditione, vult ut  
Comes Palatinus convenienter  
sele coram Sacra Caesaris Ma-  
iestate humiliando se submitten-  
do reconciliationis suae benefici-  
um demissè petat, ut ille jubetur Es-  
lector Sine ipsam rem scire &  
profiteri, ac factio suâ palam declarare,  
Se non esse innocentem, sed Cæsarem  
P offen-



offendisse, cui reconciliari debeat. Re-  
conciliatio præsupponit offensionem.  
In quo autem Cæsarem unquam of-  
fendit? num quia natus est in hanc  
lucem? num quia vivit? num quia  
minorennis fuit, & neminem per æ-  
tatem laedere potuit? num quia ex an-  
tiquâ & Reginâ Palatinorum stirpe  
ortus, & ex Matre Reginâ natus?  
num quia Patrem habuit, qui in Re-  
gem Bohemiæ electus fuit? num quia  
Lugduni Batavorum & apud Lucen-  
ses educatus est, & literis bonisque dis-  
ciplinis operam dedit? num quia qui-  
evit & ab armis abstinuit? num quia  
Regis Avunculi consilijs obsecutus  
in partibus non fuit? num quia Inve-  
stituram & restitutionem suam humi-  
liter & demissa Cæsare petijt? num  
quia huic omnem observantiam &  
obsequium exhibuit? num quia Rex  
Avun-

*Responsorum Cesareorum.*

Avunculus ejus causâ ad Cæsarem  
& Electoris Legatum misit: nam  
quia ex filiâ Nepos est Regis Iacobi,  
& ex Sorore Nepos Regis Caroli,  
& Pronepos Regis Daniæ, & Cog-  
natus Regis Galliæ: Oportet ut  
tale aliquid fit, quod offensionem de-  
derit. Sed cur non exprimitur deli-  
ctum, & causa offensionis, ob quam  
necesse habeat præstare ejusmodi ge-  
nus humiliationis & submissionis,  
quod non solet exigi & præstari nisi à  
delinquentibus & crimen agnoscen-  
tibus? Cur nullo verbo indicatur  
quare Cæsar Illi iratus sit, ut opus  
habeat supplex fieri, petendo cum  
tantâ humilitate suæ reconciliationis  
beneficium?

Secundò, tenetur facere renun-  
ciationem foederum & pactorum

P 2

quorum

quodumcunqueque vel ipsa vel  
 Pater ejus cum quibuscunque  
 Regibus ac statibus tam inter-  
 nis quam externis imperiis for-  
 te contraxit. Hic jubetur omnibus  
 auxilijs & amicitijs in perpetuum va-  
 ledicere non & humeris gratia & in in-  
 certis illis acque ambiguis oblati ac-  
 quiscescere, & fundamentum fore-  
 ne & spei sue collocare. Hoc facto,  
 non solum meliores suos amicos  
 & necessarios qui Eum ejus Patrem,  
 Matrem, Fratres & Sorores puiles  
 hospitio exceperunt; & hactenus  
 velut in asylo nutriti, nulloque non  
 genere beneficii & officij cumula-  
 runt, offenderet, & summe erga eos  
 ingratus foret; sed etiam ipsi sibi facul-  
 tatem & libertatem ullas in posterum  
 amicitias & sedora circumspiciendi  
 & contrahendi consueverunt &  
 necess-

*Responsorum Cæsareorum.*

necessitudinem cum quo velle colendi, præripere. ¶ Certe relinquere cum ignominia & conscientia fidei; lesione; & ad incerta, capiosa & probrosa cum exitio & dedecore animum advertere, non est totum neque consilium. Quam misera esset conditio, non dicam Principis, sed hominis proletarij, qui se ad tam durum & iniquum pactum adstringi pateretur, & sibi ipsemet omnem spem utendarum occasionum & amicitiarum præcluderet. Nullum exemplum reperitur, quo ab aliquo Principum Germaniæ recepto in gratiam, tam generalis, absoluta, atque indistincta omnium foederum & pactorum renunciatio, flagitiosa fuerit.

Tertio, satisfaciendum est etiam alijs, de quibus in futuro tractatu,

### *Enodatio*

statu, quoad foedus cum Cæsareâ Majestate, Rege Hispaniæ, & totâ Domo Austriacâ ineundum, statuendum erit. Hinc colligitur alias adhuc conditiones ab Electore exactum ei; præscriptum i. i. Illis omnibus prius reapse satisfaciendum, & foedus cum totâ Domo Austriacâ, ex arbitrio & voluntate Cæsaris & Hispani, à Rege Britanniarum percutiendum, multaq; alia officia, commoda & adminicula condicenda; tum demum Imperator oblata sua se adimplendum spem dat.

Atq; hæc sunt, quæ Cæsar offert & conditiones, sub quibus offert. Si nunc oblata per seipsa & in suâ naturâ, sine conditionibus annexis, considerantur, ejusmodi sunt, ut non tantum nullum honorem, utilitatem ac  
be-



*Responsorum Cæsareorum.*

beneficium, sed potius ignominiam,  
incōmodum & præjudicium afferant  
accipienti & consentienti. Indigna eti-  
am sunt magnitudine Cæsareæ Ma-  
jestatis tam parva cum tantâ exagge-  
ratione & velut exprobratione, *καὶ ἐκ-  
σίως καὶ χαλεπῶς* offerentis. Præterea,  
infra dignitatem sunt *Regis* postulantis  
& alia promeriti, cui dedecori foret, si  
tot ejus intercessionēs & Legationes,  
si tot magnorum operum impense, si  
ingenti Austriacis exhibita beneficia,  
si ejus amicitia & confœderatio, si  
moderatio, quam Ipse & *Rex Pater*  
in favorem Cæsaris & Domûs Au-  
striacæ, in his motibus testati fuerunt,  
si continentia illa emolumenta, quæ  
Hispani ex Angliâ consequuntur, ni-  
hil ampliûs procurare, impetrare &  
promereri potuissent, quàm parti-  
culam aliquam non contemnen-  
dam

### *Enodatio*

dam Palatinatus. Oportet ut homines isti, vel admodum parvi faciant merita, confoederationem, societatem & conjunctionem Regi, si putent compensandam portione aliquâ exhausti & ad internecionem redacti Palatinatus: vel portionem illam & gratiam Cæsaream tantâ aestiment, ut tam potentis Regis amicitia & conjunctio illi minimè sit vel æquanda, vel præferenda. Totus Palatinatus cum dignitate Electorali cunctisque præsentibus, præsertim qualis hodie ejus facies est, quæ nihil sani, nihil solidi habet, non tantæ utilitatis esse potest, vel Regi, vel Electori ejus Nepoti, quanta est hoc tempore Austriacis, vel sola & simplex amicitia Regis quiescentis & medium se gerentis. Quemadmodum nullius hodie in orbe terrarum Regis, Principis, & Imperii

*Responsorum Cesareorum.*

perii potentia, cum illa quā Gloriosissimus Magnæ Britanniae Rex hoc tempore præpoller & antistat, comparanda venit: Ita nulla etiam est, quæ Austriacis & Hispanis formidabilior & magis metuenda, atque æque fatalis sit, quam ista. Ab omni ævo Reges Angliæ præpotentes & timendotuerunt, propter commoditatem sitûs Insulæ, & dominatum maris: sed nullus eorum ad tantum potentiæ fastigium pervenit, ad quod Rex Carolus ascendit: Qui sub uno spiritu tria potentissima, florentissima, populosissima, & omnibus ad togam & sagum rebus necessariis affluētissima, & quod caput est, binis maximis accessu difficilinus Insulis inelusa regna continet & regit. Qui invicta & perpetua classe Oceano dominatur, & firmissimis præsidijs munita tenet, & pro arbitratu.

111

Q

sicut

### *Exordatio*

sicut iustum, æquum & necesse arbitrat<sup>ur</sup>, vel claudit, vel aperit: qui certos annuos & perennes proventus & subsidia ad classem sustentandam & novis subinde supplementis reficiendam assignavit: ad cuius nutum & voluntatem, si imperare & uti voluerit, paratum & promptum est, quicquid navium in Oceano Germanico, in utroq; mari Balthico, in Daniâ, apud Batavos & Suecos velificatur. Qui pace altissimâ fruitur; qui numerosâ prole circumcinctus, pluribus munimentis insistit; qui populo obedientissimo & imperata lubenti animo facere adsueto; qui genti bellicosissimâ, ad arma terrâ mariq; tractanda fortissimâ, imperat; qui aliquot myriadas peritissimorum nautarum & exercitatissimorum epibatarum in procinctu habet; qui nullo impetu aut

sul-

### *Responsorium Cesareorum.*

suspicionē seditionis, contumaciæ vel inobedientiæ impeditur, neque in suo proposito & consilijs turbatur. Qui tuto & cum magno suo commodo hostes suos invadere; impune verò invadi non potest: bellum cum utilitate & sine discrimine ducere & inferre, Sibi ab alio illatum in exortu suo & antequam ad se perveniat, occupare & opprimere. Sed sicut pactorum observantissimus, & pacis studiosissimus, & justitiæ atque æquitatis cultor maximus est: ita alienum non appetit, neminem temere lacessit, sed suum tantum conservare & tueri satagit. Tanta enim est istius Monarchæ & pietas, & justitia, & fides, (has enim virtutes, quæ throni Regij fulcra sunt, inter cæteras, proprias & animo infusas habet) ut pacta, & conventiona, & fœdera seu pacis, seu com-



*Enodatio*

merciorum secum inita, fartè, tectè,  
atque inviolabiliter omnibus servet,  
ad arma non ex utilitate & per  
impetum, sed cum necessitate &  
cum maturo apparatu consurgit, antè  
securitati & saluti populi sui, quàm  
privatæ vel vindictæ, vel cupiditati  
consulat.

Quòd Hispani Flandriâ & Belgio  
adhuc potiumur, quòd littora & sinus  
& portus suos ingredi & egredi pos-  
sunt, quòd dissita & remota sua Reg-  
na commercio miscere & jungere,  
quòd pecuniam ad alendum exerci-  
tum, collybo mittere, quòd tyronem  
& supplementum colligere & dedu-  
cere queunt: id omne sanè Regis  
Caroli beneficium est. Nam si hic  
voluisset, eo tempore, quo Gallus &  
Batavi junctis viribus & copiis eos  
adorti sunt, impressione in Flandriam  
factâ,

*Responsorum Cæsareorum.*

factâ, vel parùm ad stipulari & ad communem prædam manus extendere; nemo dubitat, quin toto Belgio evoluti, & mari omni pulsi fuissent, ultra Pyrenæos montes, in solitudines & veteres suas casas retrocedere coacti.

Vel hinc apparet, quàm necesse & utile sit Hispanis & Austriacis, habere amicum, vel saltem non hostem, sed medium pacis & belli, tam potentem *dux & rex & pater*. Sedulo igitur cavere deberent, ne Eum à se abalienent, ad iram provocent, offendant, & adversus se irritent. Si enim inimicum, & hostem haberent, ne mediūsfidius in ordinem statim redigerentur, à deprædatione & conquisitione aliorum Regnorum & Imperiorum abstinere, & propositum stabilien-dæ per Europam dominationis o-mittere compulsi, vix benè tuti in

*Enodatio*

propriis laribus & Patriâ, neque satis  
ad sua defendenda validi. Si Rex sal-  
tem impedire & prohibere vellet, ne  
maria frequentarent, negotiationes &  
navigationes exerceerent, res ipsorum  
confestim in arctum irent. Posset e-  
nim eos, si aggredi justum censeret,  
brevi temporis spatio & intra annum  
toto Oceano pellerè, instar Pompeii  
Magni, qui Piratas mari intra trienni-  
um per totum Imperium Romanum  
ejecit. Hæc si quis perpendat, satis  
causæ habebit, ut Austriacorum & Hi-  
spanorum sive imprudentiam, sive ob-  
stinationem, sive arrogantiam deteste-  
tur, quod tam potenti Regis, cuius  
quies salutem & securitatem ipsis præ-  
stat, æquis & justis, in causâ Palatinâ,  
postulatis non modo non satisfaciant;  
sed etiam impediane, ne illius Nepotes  
in pristinum dignitatis & fortune sta-  
tum

*Responsorium Cesareorum.*

tum restituantur. Sciant verò in heroïcis naturis iracundias, sicut ab initio tardas & lentas, ita acres & vehementes esse, si nimium provocatæ vero sese impetu commoverint. Philip. & Peres. in Chronica. Oration. Tandem aliquando iusta Nemesis contra eos expergiscitur & confurget, ultionem & poenas ab istis arrogantibus, innocentium oppressoribus, & Regnorum provinciarumque prædonibus reposcitur.

*Τὰς αὐτῶν τέχνας πᾶσα ἀνάγκη ὡς περ  
ἐν ἡμῶν.*

Iam si oblata Cæsaris in veste illâ conditionum annexarum adspiciuntur, adhuc deteriora, viliora, & probrosa magis æstimanda sunt. Quæ verò hæc est gratia, si oneri & ignominia est, & præterea tam carè luenda  
&

### *Enodatio*

& compensanda? Quid multis? Nemo non videt hoc maximè agi, ut, tum Illustrissima, libertatis & veterum institutorum tenacissima, Domus Palatina, penitus opprimatur & in perpetuo squalore maneat, ne unquam emergere possit; tum ejus Amici & defensores, circumducantur & frænentur, ne ad arma provocent & se cum hostibus Austriacorum jungant, occasionibus & momentis temporum observatis.

Denique sciendum, Cæsarem in hoc ultimo responso suo, quod & in priori fecerat, requirere Legatum, ut ad particularia descendat, ac clariùs sive scripto, seu, si placeat, quod Majestas Cæsarea convenientius existimet, ore tenus conferendo, cum Majestatis Suae Cæsareæ Plenipotentiaarijs explicet, quid



*Responsorum Cæsareorum.*

quid Majestati Suæ Serenissimus  
Magnæ Britanniae Rex, pro tali-  
bus oblatiſ vice verſâ offerat ac  
præſtare intendat, ut pari paſſu,  
prout moris, de utriuſque partis  
poſtulatſ ac præſtandſ tractetur,  
conveniatur & concludatur: quod  
ipſum Majestas Sacra Cæsarea  
rationi conſentaneum exiſtimet.  
Legatus autem in Propositione ſuâ,  
& poſtea declaraverat Regem ſu-  
um, ſi in Ipſiſ gratiam reſtitutio,  
non quidem unius partis, ſed to-  
tius Palatinatûs cum Electoratu  
fieret, atq; eo modo fundamentum  
universalis pacis poneretur; tum  
foedus cum Cæsare, Domo Au-  
ſtriacâ & Ordinibus Imperii, ad  
pacem illam ineundam, firman-  
dam & defendendam percuffu-  
rum. Luculenta ſanè & pulcherrima

R

ἀντάλ-

*Enodatio*

& compensanda? Quid multis? Nemo non videt hoc maximè agi, ut, tum Illustrissima, libertatis & veterum institutorum tenacissima, Domus Palatina, penitus opprimatur & in perpetuo squalore maneat, ne unquam emergere possit; tum ejus Amici & defensores, circumducantur & fruantur, ne ad arma provocent & se cum hostibus Austriacorum conjungant, occasionibus & momentis temporum observatis.

Denique sciendum, Cæsarem in hoc ultimo responso suo, quod & in priori fecerat, requirere Legatum, ut ad particularia descendat, ac clariùs sive scripto, seu, si placeat, quod Majestas Cæsarea convenientius existimet, ore tenus conferendo, cum Majestatis Suae Cæsareae Plenipotentia, explicet, quid

*Responsorum Cæsareorum.*

quid Majestati Suæ Serenissimus  
Magnæ Britanniae Rex, pro tali-  
bus oblatiſ vice verſâ offerat ac  
præſtare intendat, ut pari paſſu,  
prout moris, de utriuſque partis  
poſtulatſ ac præſtandiſ tractetur,  
conveniatur & concludatur: quod  
ipſum Majestas Sacra Cæſarea  
rationi conſentaneum exiſtimet.  
Legatus autem in Propositione ſuâ,  
& poſtea declaraverat Regem ſu-  
um, ſi in Ipſiſ gratiam reſtitutio,  
non quidem uniſ partis, ſed to-  
tiſ Palatinatûſ cum Electoratu  
fieret, atq; eo modo fundamentum  
uniſverſaliſ paciſ poneretur; tum  
foedus cum Cæſare, Domo Au-  
ſtriacâ & Ordinibuſ Imperii, ad  
pacem illam ineundam, firman-  
dam & defendendam percuffu-  
rum. Luculenta ſanè & pulcherrima

R

αντάλ-

### *Enodatio*

ἀντάλλαξις! Quis majus aliquid sperare & expectare potuisset? Satis plus à Rege oblatum. Nec tamen eo Cæsareani & Hispani contenti fuere: volebant ut Orator proferret & singulatim indicaret, quibus cum pactis & conditionibus Rex Britanniarum foedus cum Domo Austriacâ (de Imperio enim & Imperij Ordinibus nullam faciebant mentionem, neque multum erant solliciti, quia ex tali pactiohe foederis cum Ordinibus, Austriaci non multum utilitatis fuissent consecuturi.) percutere, quidve quantumve auxiliij, vel armorum, vel nummorum, vel navium præstare & stipulari intenderet. Sed Legatus, sicut Vir prudens & circumspectus, nequaquam æquum, justum & honestum arbitrabatur, ulterius καὶ πρὸς τὸ Ἰμπερίον, progredi, antequam Imperator

### *Responsorum Cesareorum.*

perator propius ad ipsius postulata accederet, & liquido declararet, an in petitam integram restitutionem consentire, vel saltem quamnam partem, & cum quibus pactis eam restituere decrevisset, spe & promissione additâ, fore ut brevi cætera quoque restituantur.

Quæ nomine Regis oblata & condita, ea non modo honesta & præclara, & tam magnanimo publicæ concordæ studiosis imo Rege digna; sed etiam toti Imperio ad constabiliendam pacem utilissima fuerunt, adhæc, ultrò, nullâ obligatione devinctus ad restitucandam merè benevolentiam Suam, ista obtulit: Illa vero à Cæsare velut obtrusa, incerta, vituperosa, indigna & imperfecta sunt, quæ minimè Regis postulatis, expectationi & meritis respondent, quæq;

### *Enodatio*

magni & liberalis, sed duri & tenacis parumque benevoli animi indicia præbent. Ut taceamus Cæsarem, tum propter innocentiam Principum restituendorum, tum propter justitiam causæ, tum propter utilitatem publicam, ad longè plura, ad integram nempe & dignitatis Electoralis, & ditionum restitutionem obligatum fuisse.

Quòd si verò ad justa & æqua, totiesque iterata Legati petita aliquantum propius accelsisset, & de conditionibus illis ignominiosis, quas Electori præscripsit, remisisset, restitutionem honorificam, quæ citra præjudicium & cum securitate accipi potuisset condicendo, simulque conditiones honorabiles & honestas, sub quibus restitutionem facere vellet, indicando: tum cognito, quan-



*Responsorum Cæsareorum.*

quantum Cæsaris gratia & collatio mereretur, Legatus quoque ad ulteriora descendere promptus fuisset. Verum Cæsareani hoc agebant, ut voluerint prius exploratum habere quid propriè & speciatim sibi à Rege promittere deberent, an, & quantum vel armorum, vel pecuniæ, vel navium is condiceret; & hoc eum in finem, ut, quando vidissent id non respondere & conducere multum suis rationibus, ipsis integrum fuisset retrocedere & Legatum re infectâ remittere.

*Quæ de dispositionibus per pacem Pragensem confirmatis, & ab universis Imperii Ordinibus comprobatis objiciuntur, & ad Cæsaris in causâ Palatinâ Decreta excusanda & stabilienda adducuntur, satis indicant,*

R 3

quid

### *Enodatio*

quid circa restitutionem integram ditionum & dignitatis sperandum sit. Ex tabulis Pragensibus liquidò apparet inter Bavarum & Cæsarem singulares & arcanas stipulationes intercessisse, quarum vigore ditiones & dignitates Electorales, non modò Duci Bavariae ad dies vitae; sed etiam universae Lineae Patris ejus Gulielmi, quam proinde Gulielmianam vocant, in perpetuum datae & concessae atque perscriptae sunt. Hæc enim ibi sanciuntur: Quantum ad causam Palatinam attinet, conventum ut ea, quæ Cæsarea Majestas tum de Electoratu & ditionibus, pro Serenissimo Duce Bavariae & Lineâ Gulielmianâ quæque alio modo disposuit: tum quæ de bonis quorundam Palatinorum Administratorum ordina-

*Responsorum Cæsareorum.*

dinavit, rata omni modo maneat;  
sic tamen, ut Electoris quondam  
Friderici IV. Comitis Palatini ad  
Rhenum Viduæ, suo dotalitio,  
quantum ad Se pertinere liquidò  
docuerit, frui permittatur. Li-  
beris verò Proscripti, quando se  
coram Cæsareâ Majestate decen-  
ter humiliaverint, alimenta prin-  
cipalia ex Cæsareâ quidem gratiâ,  
non autem ex debito constituan-  
tur.

In dissertatione de Septemviratu  
Palatino in Ducem Baviaræ optimo  
jure translatò sæpiùs repetitur & affir-  
matur, Electoratum non solum Duci  
Baviaræ, sed etiam toti stirpi Bava-  
ricæ datum, Ducemq; Neoburgicum  
& alios errare, qui putent Investitu-  
ram tantum provisionalem & ad dies  
vitæ factam esse. *Augustissimus*  
*Cæsar,*

## Enodatio

*Cæsar*, Ita scribit capit. 4. n. 124. *fulmen justissimum & meritissimum Banni proscriptiois in perduellem Fridericum iecit, eumque omnibus juribus, honoribus, bonis, & in specie Electorali dignitate, cum ditionibus ipsi annexis excidisse declaravit. Deinde, dictum Electoratum ob feloniam Friderici commissam ad se devolutum esse, maturè & cum causæ cognitione, auditis ponderatisque Ducis Neoburgici rationibus, prætensionibus & argumentis judicavit. Demum, hunc ipsum Electoratum, unà cum juribus ipsi annexis, pari cum causæ cognitione, gravissimis justissimisque causis motus, & quidem cum Electorum Imperii approbatione & consensu, accedente etiam Summi Pontificis hortatu, in Serenissimum Maximilianum Bavaricæ Ducem, totamque familiam Bavari-*

*Responsorum Cesareorum.*

Bavaricam, Ducis Neoburgici reclamatione nil remorante, interveniente solemniter, solitâque Investiturâ, realiter & in perpetuum transtulit, prout sua Electoralis Celsitudo, apprehensâ tam juris, vocis, dignitatis & potestatis Electoralis, quàm bonorum, ditionum, terrarum, Dominiorum aliorumque annexorum possessione vel quasi, in Inclitum Electorum Collegium admissa, fraternæ unioni associata, & in omnibus officio, jure, munere ac dignitate Electoris Palatini hactenus publicè functa, eoque titulo tam à Summo Pontifice & Purpuratorum Collegio, quàm à Cesareâ Majestate, Regibus Gallia, Hispania, Polonia, Dania, digna habitâ & honorata est. Quâ ergo fronte, fide & veritate Relator scribit, provisionalem tantum & certis conditionibus factam Serenissimo

S

Duci



Duci Maximiliano, de Electorali dignitate ad dies vite usurpanda Investituram? Calumniam hanc convincit Investitura Cæsarea, quam etiam Relator, licet invitus, agnoscere debet. Item fol. 115. cap. 3. n. 174. Transfuit, inquit, Electoratium liberè, re tamen per duos & amplius annos maturè deliberatà, consilio cum Electoribus communicato, annuente, quinimò flagitante Summo Pontifice, instantibus & approbantibus Sacri Romani Imperii Principibus, quineviam exteris Regibus & Ducibus, uno Duce Neuburgico excepto, hoc enixè postulantis, omniumque bonorum applausu, in Serenissimam Bavariam Ducem Maximilianum de totam stirpem Bavaricam, meritis Sue Serenitatis universo Orbi notis, Agnatione & Iure ab antiquà familià competente, aliisque



## Responsorum Cesareorum.

que gravissimis causis, Cesarem ad hoc impellentibus, prout latius patet ex diplomate & literis Investituræ.

Paulo post, n. 175. nihil provisorie & ad dies vite concessum, nihil juris Duci Neoburgico reservatum. & n. 182.

Nam Electoratus Palatinus ex mero beneplacito & arbitrato Cesaris, atque alijs maximis, justissimisque de causis in Bavaria Ducem & ejus inclytam familiam transcriptus fuit, nullâ sumptuum bellicorum habitâ ratione aut mentione. n. 184. 70

per biennium ac amplius penitissimè perspectâ, expensâ deliberatâque in Bavaria Ducem Maximilianum & ejus gentem transferre cepit. n. 188.

ut ita disponente institutâ dignitâ Electoralis iterum in eam familiam, cui ab antiquo debebatur, sed contra jus, fas, & juratâ pactâ adempta fuit,

## Enodatio

*postliminiò reverteretur, n. 190. De Ele-  
doratu Palatino, ob atrocissimū per-  
duellionis crimen per Fridericum pro-  
scriptum cōmissum, ad se liberè devo-  
luto, atq; in Bavaricæ Ducem ejusque  
familiam justè ac legitimè translatò.*

Sed quid multis? Nonne supra  
satis audivimus, Imperatorem non  
amplius disfiteri, sed palam & publice,  
toto Orbe terrarum audiente profi-  
teri, se Septemviratum Palatinicum  
Duci Maximiliano & universæ Li-  
neæ Bavaricæ dedisse, contulisse &  
per Investituram tradidisse? Id qui-  
dem non ita pridem in vulgus cogni-  
tum fuit: ante publicationem tabula-  
rum Pragensium, nemo quicquam  
audivit, nisi fortè vel divinando, vel  
susplicando, vel per conjecturas ali-  
quid odoratus est. At hæc clancu-  
lum & ex compacto, tanquam in ve-  
labro,

*Responſorum Caſareorum.*

labro, non auditis, non vocatis, indefenſis, & abſentibus ijs quorum intererat, ſine ſcitu & conſenſu præcipuorum Electorum & Ordinum, niſi quòd poſtea aliqui metu compulſi, ea non improbârint, contra leges, jura, & datam fidem inſtituta & acta ſunt, ſicut omnia alia in hoc negotio tranſactionis Electoralis officii.

Verùm, quomodo iſta conveniunt & quadrant cum iis, quæ Imperator & Dux Baviaræ tum Electoribus, tum Regi Iacobo in Conventu Ratiſbonenſi, quando Maximilianum de Electoratu inveſtiit, religioſè ſacrosanctâ obſide fide cavit, aſſeveravit & promiſit, Se Electoralè dignitatè Bavaræ cum certis cõditionibus, nimirũ, ſalvo jure prætendentiũ & non diutiùs, quàm in vivis eſſet, trãſtulſſe & cõceſſiſſe. Sic enim in ſua declaratione

actum.

### *Enodatio*

*Electores in scripto xxxij Februarij*  
c10 10c xxiii *edicit*: Investituram  
factam citra præjudicium filio-  
rum Comitis Palatini, tum fratris  
ejus, uti & Ducis Wolffgangi  
Wilhelmi Comitis Palatini, &  
aliorum agnatorum, adeoq; nulli  
omnino quicquam de jure suo  
esse detractum, verum illud ex-  
pressè reservatum, quanto pri-  
mum sive amicâ compositione,  
sive jure decidendum: decisione  
factâ quicquid adjudicatum illis  
fuerit, id ejusdem defuncto Max-  
imiliano Duce Bavariæ, statim  
tradendum & Investituram super  
id concedendam. Electores quo-  
que Saxonie & Brandenburgicus  
Ducem Bavariæ, nisi sub certis con-  
diti nibus & quamdiu is viveret  
agnoverunt, eo satis facto jus illis  
quibus

*Responsorum Cæsareorum.*

quibus ante Palatini (ita verba sonant) proscriptionem & translationem, dignitas Electoralis ob simultaneam Investituram, atque adeo jure competebat, restitueretur. In literis ad Regem Jacobum v. Martij eodem anno, in hunc modum Cæsar scribit: Se suâ declaratione alterius cujuscunque juri-  
bus vel in minimo derogare aut præjudicare, ita ad prætensam successionem in dignitatem & ditiones Electorales liberis gratiæ suæ Cæsareæ, tum Fratri Agnatilque Palatini justitiæ fores patere velle: adhuc Investitura diplomati expresse insertam fuisse, ut amicâ tractatione, vel sic a frustra ceciderit, summario processu disceptetur, quid successionum jura prætendentibus Nepotibus Regis  
ex



### *Enodatio*

ex gratiâ, & quid Agnatis ex æquitate, in dignitate & privilegijs Electoralibus tribui possit: Ipse etiâ Bavarus cavuit & sub fide promisit, sub hâc conditione & non aliter se Electorum possessurum, & post mortem suam statim restitutorum ei, vel eis, quibus per compositionem, vel per sententiam judicalem fuerit adjudicatus: Sicut pluribus continetur in diplomate Investituræ, & in dicta Cæsaris declaratione & literis, tum in literis quodque Electoris Saxoniz ad Moguntinum. 1. Martij 1713. xxiiv. Dresdæ scriptis, & in Brandenburgici Electoris responso, Legato Cæsaris Regiomontij in Borussia xlii. Maii. 1713. xxvii. dato. His cunctis violatis & spretis, dignitas Septemviralis cum regione, Lineæ Gulielmianæ, hoc est, omnibus Ducibus Bavariz & horum liberis per secretas conventiones & stipulationes concessa & collata fuit.

In



### *Responsorium Cesareorum.*

In illo etiam decreto die xxiv *Fe-*  
*bruarij* anno superiore, cui tamen  
Cæsar se constanter inhærere iden-  
tidem affirmat, spem aliquam ad E-  
lectoralem dignitatem reliquit, dum  
ita rescribit: ubi ad tractatus ven-  
tum fuerit, quoad dignitatem E-  
lectoralem & reliqua petita, eum  
servatura sit modum, ut in ijs, quæ  
æquis conditionibus concedi po-  
terunt, habeat cum Serenissi-  
mus Magnæ Britanniae Rex, un-  
de studium & benevolentiam in  
se Sacræ Cæsareæ Majestatis, tum  
sæpeditus quoque Comes Palati-  
nus propensam in Se gratiam ejus-  
dem possit cognoscere Quod idem  
ijsdem repetiit verbis in respōso ad di-  
em xxx. *Iunij* memorati anni Legato  
Britannico dato. At notandum hæc e-  
tiam diu post Pragensē pactionē &  
T factam

### *Enodatio*

factam in Lineâ Gulielmianam translationem, enunciata & prolata fuisse. Hinc nimirum argumentum sumere licet, quo cognoscitur, quâ ratione inter aliquos Principes res interdum agantur; quomodo eos, quos securos reddere volunt, tractent; quomodo simulent & aliud dicant, aliud agant & intendant, ut ad effectum suorum consiliorum perveniant.

*Quanto in pectore hanc rem meo magis voluto,*

*Tanto mihi egritudo auctior est in animo:*

*Ad illum modum os sublitum esse,*

Vt cum Plauto loquar, omnibus non solum Comitibus Palatinis, sed etiam Ordinibus Imperii, & alijs, qui Palatinæ causæ adstipulati sunt, & sibi persuadebant pœnam & odia in Fridericum duntaxat, non in ejus liberos sævitura, post Bavari mortem Electoratum ad Hos rediturum; imprimis verò ambobus Electoribus Saxo-

### *Responsorum Cæsareorum.*

Saxoniae & Brandenburgi, qui tantum cavere volebant ne deciperentur, & tamen decepti fuerunt, vix caventes, etiam cum maximè cavebant.

Sed quo fundamento, quâ fide, quâ conscientia, quo jure, ejusmodi clandestinae & prajudiciabiles dispositiones fieri potuerunt, inconsultis & inauditis iis, quorum interfuit? Quemadmodum verò, concessionibus & dispositionibus nullae & injustae sunt: ita confirmari per pactiones Pragenses non potuerunt, neq; ab Ordinibus comprobari. Nullas autem esse & injustas ex eo apparet; Primò, quia inter Cæsarem & Bavarum clanculum initae & contra Leges fundamentales Imperij pugnant. In Aurea enim Bulla, primâ & præcipuâ lege fundamentali, Cap. vii. & xi. & xxiv. &

### *Enodatio*

in alijs Constitutionibus expresse sanc-  
citur, dignitatem, potestatem, jus,  
vocem, Vicariatum, officium &  
munus Septemviralis fastigij cum  
Principatibus ac ditionibus, qua-  
rum virtute sæculares Principes  
Electores jus, & votum in Electio-  
ne Romani Regis in Cæsarem  
promovendi, obtinere noscuntur,  
adeò esse conjuncta & perpetuis  
temporibus indivisibiliter unita,  
ut aliquid præmissorum ab alte-  
ro, cum sint & esse debeant inse-  
parabilia; nec dividi, vel ullo tem-  
pore debeat separari, aut in judi-  
cio, vel extra divisiim repeti vale-  
at, aut evinci, vel etiam per sen-  
tentiam separari, nec aliquis u-  
num sine alio impetens audiatur.  
Quòd si per errorem, vel aliter  
quis auditus fuisset, aut processus,  
judicium, sententia vel aliquid  
hujus-

*Responsorum Cæsareorum.*

hujusmodi contra hanc dispositionem emanasset, seu quomodo libet attentari contigisset; hoc totum, & omnia ex his, & quælibet eorum sequentia, eo ipso juribus non subsistere. Præterea, in capitulatione Regiâ, quæ secunda in Imperio Romano lex fundamentalis est, continens capitula & pacta, quæ Electores per formam contractûs cum Imperatore inierunt, ad quorum sacro-sanctam observationem hic solemni jurejurando conceptis verbis præstito, se adstrinxit; hæc inter alia Cæsar stipulatus est & spondit: Se in rebus gravioribus Imperium concernentibus; Electorum sententias & suffragia rogaturum & auscultaturum, nihilque sine prævio legitimo illorum scitu & consensu decreturum & statuturum. Se

### *Enodatio*

contra Auream Bullam & alias Imperii constitutiones & pactiones, nullum mandatum, rescriptum, aut quippiam, quod gravamen inferre possit, editurum, nec eo usurum, nec ut alius obtineat, aut illo utatur permissurum. Item, Si quam habeat actionem & controversiam contra aliquem Ordinum, se legibus experturum, vim autem nullam adhibiturum, eis præsertim, qui se cognitioni legitimæ sistere voluerint. Item, Se observaturum & impediturum, neque ullo modo & prætextu concessurum, ut aliquis ex Procerum statuumq; numero, siue Elector, siue Princeps, siue alius sine causâ inauditus proscribatur, damnetur & in Bannum declaretur, sed allaboraturum, ut  
in



*Responsorium Cæsareorum.*

In hoc secundum ordinariam juris normam & Imperii constitutiones ex præscripto reformatæ Ordinationis Cameræ procedatur. Clausula in fine hæc additur: Si quid contra hoc, vel alia Capitulationis capita susceptum & actum fuerit, illud omnino nullum, irritum & vanum esse debere.

Considerentur & inspiciantur jam omnia, quæ hætenus in causâ Palatinâ, ab initio in hunc usq; diem ex adverso acta, quæq; imprimis de translatione Electoratus & distributione ac divisione ditionum Palatinicarum, privatim & etiam instituta & disposita, deq; facta gesta sunt, nonne ea cuncta & singula directè contraria Aureæ Bullæ, Capitulationis & legum claro præscripto sunt? Nonne Palatinatus Ele-

### *Enodatio*

Electoralis contra expressam prohibitionem discerptus, divisus & distractus, major pars Bavaro cum officio, alia Hispano, alia aliis data fuit: Ubi, & quando Electorales, cum hæc fierent, convocati & congregati atque consulti, & sententias more Majorum rogati fuerunt: Nonné Saxo & Brandenburgicus Proscriptioni Regis Frederici, translationi Electoratûs in Bavaram, exclusioni liberorum & Agnatorum à jure suo, constanter & accerrimè sese opposuerunt: Legantur ipsorum in Senatu Principum Anno cto 1708 xxiii, *Mense Februario lata suffragia*: Legantur ipsorum ad Imperatorem *diversæ literæ, & data Legatis Cæsareis responsa*. Si jam taceant, metu & terrore atque vi compulsi id faciunt. Cum extensio translationis Electoratûs in Lineam Gulielmianam  
nam

### *Responsorum Casareorum.*

nam Bavaricam fieret; Cùm dispositiones istæ in abstrusâ officinâ formarentur & cuderentur; Cùm pacificatio inter Cæsarem & Saxonem per Legatos Pragæ consarcinaretur: ubi tum fuerunt cæteri Electores & Ordines? num intervenerunt, adfuerunt, sententias ordine & secundum instituta majorum dixerunt? antecessit né legitimus illorum consensus, *Impositio* & suffragatio? Num ij, qui privabantur Electoratu, jure & fortunis suis; Num alij, quorum intererat, citati, auditi, defensi fuerunt? Num causa cognita & secundum jura præscripta tantæ rei negotium definitum? Nihil quicquam tale cogitatum, nihil tale actum; sed omnia ex arbitratu, ex affectu & odio, ex plenitudine potestatis, ex absoluto decreto, neglectâ & rejectâ Electorum, Ordinum, & Parium non suspectorum cognitione, contra jus, leges,

### *Excusatio*

consuetudines, contra sanctiones pragmaticas, contra pacta & Capitulationes jurejurando firmatas, contra solitum & requisitum procedendi ordinem, adversus abentes, inauditos, nullius criminis infimulatos, sed planè innocentes, non in publicâ hominum luce, sed privatim in conciliabulo & in cōgressu arcano, acta, facta, dicta, scripta & peracta fuerunt.

Hinc Electores Saxoniae & Brandenburgi meritò Cæsari velut exprobrando inculcârunt, in re tam gravi ponderosâ & tanti momenti, utpote à quâ Sacri Romani Imperii vel incolumitas, vel exitium, experienciâ testante, dependeat, prius consulendos & audiendos fuisse, secundum Capitulationis præscriptum, & hoc vel ideò maxime, quia de Electore membro Imperii quæstio esset. Negotium concernere unum e numero Septem-

*Responsum Cæsareorum.*

tem virorum, & dignitatem Electo-  
ralem, propterea ceteros Electores  
ab illius cognitione excludēdos non  
fuisse. Satis notum esse, litem & con-  
troversiam inter Dominum & Va-  
fallum, quando nimirum de priva-  
tione feudi agitur, secūdum jus com-  
mune feudale, per Pares Curiae, qui  
comparis sint dignitatis & nominis,  
decidendam & dijudicandam : hoc  
eò magis locum habere debere, cum  
contra præpotentiores & illustrio-  
res aliquid decernendum sit : ex Ca-  
pitulationis dispositione sanè in con-  
siliū adhibendos fuisse eos, qui Cæ-  
sareæ Majestatis intimi familiarissi-  
mique Consilarii, quiq; puniendo  
vel privando jurebus suis, quoad sta-  
tum, dignitatem & fortunam pares  
& æquales sint. Se palam & publice  
contestari, proscriptionem ejusque  
executionem sine suo consilio & con-



### *Enodatio*

sensu fuisse decretam & promulgatam : alium meritò procedendi modum hoc in negotio observandum fuisse ; & in Capitulatione dictâ planissimè constitutum & sancitum legitur, nullum Electorem, vel alium Imperij Principem posse ab Imperatore inauditum, absque ordinario processu & iudicio proscribi & in Bannum denunciari ; se non videre quo iure & prætectu Electores à deliberatione & cognitione rei tanti momenti, in quâ universi Imperii tam salus, tum exitium versetur, potuerint excludi. Et cum forma processus iudiciarii, etiam pars sit iustitiæ ; hæc verò meliori modo administrari nequeat, quam secundum leges conventas & præscriptas, operam necessario dandam fuisse, ut Comes Palatinus, antequam condemnaretur, convenienter ex præscripto



*Responſorium Caſareorum.*

ſcripto omnium iurium, & ſacræ Capitulationis audiretur, atq; ideo proceſſus ordinarius iuxta Camerae Imperialis Ordinationem, & in eâ præſcriptam formam inſtitueretur. Porro quàm plurimas etiam circumſtantias conſiderandas fuiſſe, antequàm ſententia Proſcriptionis debuiffet promulgari : & hoc quidem eò magis, tum propter Comitæ Palatini liberos, tum propter eiufdem fratrem & proximiores Agnatos, qui omnes & ſinguli nullius adhuc criminis inſimulati, multò minùs convicti ſint. Translationem Electoratus & connexarum ditionum rem nequaquam minoris eſſe momenti & præiudicii, quàm ipſam Proſcriptionem, ac propterea iure merito de eâ cum Electoribus, iuxta Capitulationi, ſanctionem communicandum, & deliberandum, non autem poſt-

### *Enodatio*

quam confecta sit, nudam significationem faciendam fuisse. Septem viros & Ordines Imperii esse quidem Cæsareæ Maiestatis, sed simul quoq; Imperii Electores & Ordines, adeoq; huius columnas & fulcra. Vnde minime ambigendum, quin rei istius cognitio ad eos spectat. Cæsarem nullum feudum vel oppidum Imperio apertum ulli conferre & concedere inconsultis Electoribus; quanto magis necessarium fuisse, eorum consilium & consensum eâ in re, quæ de transferendâ Electoriâ dignitate, deque tam nobilibus Imperii feudis & regalibus quæstionem moveret, advocare. Ex hoc sanè processu cæteris Electoribus, Principibus, & Ordinibus maximum & irreparabile præiudicium accersi, si nempe inauditi, Electoribus inconsultis, suis dignitatibus & bonis, filii verò & proxi-

*Responsorum Cesareorum.*

proximiores agnati iure simultaneæ investituræ sine causæ cognitione privari & spoliari, omniâque ista in alios pro arbitrio transferri possent. Isthoc enim modo Electorē, aut statum Imperii deterioris longē conditionis fore, quā aliquem in regno Poloniae nobilem communem, quoniam talis nisi in plenis comitiis proscribi non possit. Existimationem & prærogativam illam, quā Electores hæctenus intra & extra Imperium conspicui fuerint, & eminuerint, eousque evilescituram, ut illi, qui in eorum præsentia capita sua operiri non auderent, dubitaturi deinceps sint, an detegere coram ipsis debeant. Si Electores consuli & cognoscere non debeant, quando aliquis Elector proscribendus, & Senatu Electorali movendus, & alius in eius locum recipiendus sit, se haud equidem

### *Enodatio*

dem intelligere posse, in quo, Electorum prærogativa & autoritas consistat; quæve inter Illos & alios minores Imperii Proceres differentia, si nomen excipias, esse queat, nec quo tandem pacto Ipsis de periculo & præiudicio, quod ad eos ex hoc procedendi modo redundat, cautum sit. Proscriptionem huiusdem, executionem & subsecutam Electoratûs translationem inconsultis & præteritis Electoribus decretam & peractam fuisse, quod sanè fieri minimè debuisset; Electores & Principes haud deterioris, quoad condemnationem & pœnam, conditionis esse debere, quàm homines e plebe, contra quos inauditos & non citatos, nunquam proceditur, aut condemnatio pronuntiatur, etiamsi crimina sint, vel maxime notoria.

Atque

## *Responsorum Cesareorum.*

Atque hæc, quæ collectim tamen, summa rerum fastigia saltuatim secuti attigimus, & primoribus labris delibavimus, ambo illi celsissimæ & spectatissimæ autoritatis & existimationis Electores, qui de propriâ scientiâ testati sunt, in publicis scriptis & literis, in gravissimis in Senatu prolatis sententiis, per legationes amplissimas, persæpè & plusquam satis scripserunt, declarârunt & deduxerunt: Et vel ex illis ita compendio relatis apparet, quo veritatis & fidei fundamento ea, quæ supra ex Auctore de Septemviratu in Ducem Baviaræ optimo jure translato adduximus, nitantur, quidque de translatione Electoratûs clam absque solemnitatibus requisitis, & sine legitimo Electorum congregatorum concilio factâ, judicandum sit. Sed de hoc argumento alibi commodior di-



## Enodatio

cendi locus erit. Iam suffecerit ex deductis inferre, quod meritò omnes istas dispositiones, decreta, pacta, sententias, actiones & executiones ipso jure nullas, irritas, cassas, injustas, iniquas, nullius ponderis, valoris aut effectus esse, lex & justitia pronuntient.

L. si expressè 19. D. de Appellationib. & relationib. ubi dicitur, *Non jure proferri sententiam, si specialiter contra Leges, vel Senatusconsultum, vel constitutionem fuerit prolata. Vnde si quis ab hac sententiâ appellaverit, & præscriptione summotus sit, minimè confirmari ex hac præscriptione sententiam.* C. 18. de regal. in 6. l. ex stipulatione l. prolatam à Præside, c. de sentent. & interlocut. Novell. 113.

Deindè & hoc notandum, quod privatorum conventiones & pactiones non possint derogare Iuri publico, legibus & Constitutionibus Reipublicæ. l. nec ex pratorio, nec ex solemnī jure privatorum conventionē



## *Responsorum Cæsareorum.*

conventionē quicquam immutandam est. 27. & l. neque pignus. §. privatorum conventio juri publico non derogat. ff. de regulis juris. l. juris gentium. 7. §. 16. ibi. pactum à jure communi remotum servari non oportet. & l. contra juris civilis regulas pacta conventa rata non habentur. 28. & l. jus publicum privatorum pactis mutari non potest. 8. D. de Administr. rerum ad Civitat. l. nemo potest. 55. D. de legat. 1. l. pacta quæ contra leges constitutionesque vel contra bonos mores fiunt, nullam vim habere, indubitati juris est. 6. c. de pactis.

*Imò nullum rescriptum Cæsaris, nulla pragmatica sanctio, nulla sacra annotatio, quæ generali juri adversa esse videntur, valida sunt & in disceptationem proferri possunt.* Ita Imperator Anastasius sanxit. l. ultimā. c. si contra jus vel publicam utilitatem. Præterea, dispositiones illæ contra datam fidem & cautionem, in fraudem eorum, quibus ea data fuit, pactę fuerunt; sicut supra dictum, ubi demonstratum, Cæsarem & Bavarum sanctè & sæpius promississe & cavisse, Electoralem dignitatem soli Maximiliano, & quidem non diutius, quàm is in vivis foret, collatam:

*Enodatio.*

post eus mortem Liberos & Agnatos  
Friderici Regis iterū admittendos.  
Insuper illi quorum intererat & qui  
læsi sunt, non fuerunt vocati & adpel-  
lati, sicut audivimus : In actis enim  
præjudiciabilibus debent citari omnes,  
quorum interest. l. nam ita Divus Marcus. 39. ibi.

edhibitis etiam his qui contradicent. id est, qui læderentur con-  
firmatione. D. de adoption. ubi Gothofred. *semper ci-*

*tandus est is, qui lædi potest.* l. de unoquoq. nego-  
tio præsentib. omnibus, quos causa contigit, judicari oportet.  
47. D. de re judicat. l. etiam si Patre 29. §. si hæreditate Patriæ.  
2. ibi. non evocatis creditoribus minimè id præjudicasse. D.  
de minoribus. Ioachimus à Beuß, in l. admonendi. n. 796. D. de  
jure-jurando.

**Contra absentes verò quic-  
quid statuitur, decernitur, agitur &  
initur, nullum est.** l. si ut proponis. §. ibi. quod ita

gestum est adversus te absentem, ad effectum juris spectare mi-  
nimè oportet, & l. ea quæ statuuntur adversus absentes. C. quo-  
modo & quando. Iudex. senserit. Symmachus in epistola:

*Quando, inquit, absentibus atque ignoran-  
tibus inter alios gesta nocuerunt?* l. 1. ibi. in-

## *Responsorum Cæsareorum.*

ter alios res gestas aliis non posse præjudicium facere sapè constitutum est. & l. ibi. inter alios factam transactionem absenti non posse facere præjudicium, notissimi juris est. & ibi. Neque enim si re absente, divisionem fecerunt, aliquid juri tuo derogari potuit. c. Inter alios acta, aliis non nocere, argt l. transactio matris. 26. c. de transact. & l. Impp. 3. ibi. Privatis pactionibus non dubium est non lædi jus cæterorum. D. eodem.

Denique, contra minorennos, indefensos, inauditos, pupillos & quibus jam jus quæsitum erat, ista omnia acta sunt. Cum enim conventiones istæ inter Bavarum & Cæsarem fierent, & Pragenses pactiones confarcinarentur, Carolus Ludovicus adhuc sub tutelâ erat, sicuti etiam nû sunt cæteri ejus fratres. Ille solus octodecim annos, in Aureâ Bullâ Electorum filiis pro majorenitate definitos, complevit. At non debet, inquiunt Imperatores, nocere adultis, quicquid eo tempore statutum est, quo defensione justâ & Curatoris auxilio fuerant destituti. l. acta apud se 45. §.

## *Enodatio*

contra indefensos minores nulla sententia proferenda est. 3. & l. contra pupillum indefensum vel minorem xxv annis, propositum peremptorium nihil momenti habet. 54. D. de re iudicata. Iure quæsito, nemo privari potest, ne quidem ab Imperatore utente totâ Majestate suâ, ut loquuntur Iuris Consulti. Detrahère aliquid alteri, magis est contra naturam, quàm mors, quàm dolor, quàm paupertas, quàm cætera, quæ possunt aut corpori accidere, aut rebus externis. Cicero. lib. 3. Officior.

Quod autem confirmationem & comprobationem istarum Dispositionum attinet, sciendum: Primò, quod nullum est & contra bonos mores, leges & jura pactum, non posse confirmari, neque ratum haberi vel adprobri. per jura vulgata, & supra citat. II. Deinde, comprobatio illa Ordinum, de quâ tamen, an intervenerit, non constat, legitima & valida nequaquam est; quia  
Ordines

## *Responsorum Cæsareorum.*

Ordines non interfuerunt, nec convocati & adunati fuerunt, ut causâ cognitâ assensum suum darent: si qui dederunt separatim & singuli consenserunt & Cæsaris dispositiones comprobaverunt: quod fieri de jure non debet.

L. item si unus. 17. §. item si plures. 2. & 1. non distinguemus. 32. §. cum in plures ibi. non debet singulos separatim cogere. D. de Receptis qui arbitrium. c. cum omnes. Extra. de constit. Hieronymi à Cævallis in specul. commun. opinion. quæst. 476. Antonius Faber in Cod. decision. forens. libr. 1. tit. 36. definit. 42. ubi docet, non reputari universitatis nomine actum, quod agunt particulares, etiamsi omnes agant, nisi eâ congregatâ. & Flamin. de Rubeis consil. 69. n. 220, lib. 1: actum nullum esse, ait, etiamsi omnes consenserint, quando separatim & particulares non legitimè congregati consenserunt. Ad hæc, plerique Ordinum, præsertim Protestantes, qui in pactiones Pragenses consenserunt, coacti & impulsivi fuerunt metu, injuriis, armis.



armis & decretis atque mandatis peremptoriis, ut eas comprobarent & amplecterentur, ni facerent hostes judicarentur, sicut in ipsis Tabulis sancitum est. Quid autem de tali consensu & voluntate judicandum sit, jura docent, vide l. velle non creditur. D. de regulis juris, & ibi Decium & Dd. l. i. ibi. necessitas imposita contraria voluntati. D. quod metûs causâ. Cujac. obser. ult. ib. **Quæ** verò metûs causâ extorta & facta sunt, ea nulla reputantur & rata haberi nequeunt. d. toto titul. D. quod metûs causâ l. si donationis 7. & l. ult. c. de his quæ vi metûsve causâ gesta sunt, ibi. ratum haberi non patietur, & quæ per potentiâ extorta sunt, præcipimus infirmari. Bartolus in l. i. §. quæ veneranda infin. D. quarum rerum actio non datur, & de exceptione jurisjurandi.

Denique non statim dicendum & concludendum, omnes eos, qui tabulis Pragensibus sese accommodarunt, universos ac singulos articulos eo sensu, quo ibi referuntur, nominatim verò  
istas



*Responsorum Cesareorum.*

istas dispositiones de Electoratu Palatinatus, quorum mentio ibi fit, & quas ipsi nunquam viderunt, comprobasse & ratas habuisse. Nonnulli certe inter quos est Elector Brandenburgicus, cum expressa reservatione & exceptione vel generali, salvo uniuscujusque jure, vel speciali, quod idem Elector hac in causa Palatina fecit, consenserunt. Caeteri sub tacita ista conditione consensisse intelliguntur. Nam clausula, salvo jure tertii, etiam omissa, semper tamen inesse intelligitur.

d. l. ult. c. si contra jus vel utilitat. public. c. Si quando § ultimo. x. de Rescriptis c. super eo. x. de crim. fals.

Nemo enim eorum tam injustus & iniquus videri vult, ut rem injustam & nullam scienter suam ad stipulationem adprobatam, & eum, quem innocentem esse cuique injuriam fieri persuasus aut edoctus sit, jure suo cupiat priva-

Y

priva-

## Enodatio

privatum. Nec sufficit dicere confirmatas esse dispositiones istas ab Ordinibus Imperii, nisi demonstretur confirmationem factam esse cum causæ cognitione. *Hæc enim necessaria est,*

ut inquit Nicolaus Burgundus in lib. suo de Electoratu Bavarico, quem ad defensionem Christophori Gewoldi scripsit, fol.

284. *ut quis detrudi possit de suâ possessione. Quin imò non sufficit strictim atque cursim, & ut ita dicam de plano interpositam: Plena & sufficiens exigitur,*

allegat. Iason, ad l. iudices n. 2. & 3. C. de iudic. Precius ad l. non videtur § qui jussu. D. de reg. juris. *Hæc autem*

*non præsumitur, sed probanda est legitimis testibus, vel constare debet ex actis,*

ut idem Burgundus de loco ait, adducens. Panor. ad c. 2. n. 8.

& 22. de sequestr. possell. Alciar. de præsumt. 67. n. 12. 13.

& præsumt. 75. n. 22. 1. l. iudices 9. c. de iudiciis desumpta ex

Codice Theodosiano lib. 2. cap. 18. ibi imprimis rei qualita-

tem plenâ inquisitione discutere. c. judicantem 31. quæst. 8.

*Cæteras nullitates & injustitiæ ac violentiæ actus, in transferendo Electoratu & in condendis dispositionibus*

&

*Responsorum Cæsareorum.*

& pactionibus Pragensibus commissos,  
persequi & in lucem promere super-  
sedemus.

Pauca saltem hic imitabor & ad  
propositum hocce facientia ex, eodem  
Nicolao Burgundo Jurisconsulto,  
Consiliario Bavarico & Professore in  
Academia Ingolstadiana, qui librum  
de Septemviratu Bavarico seu Apolo-  
giam Christophori Gewoldi, sicut ante tra-  
vimus, conscripsit, excerpta adscribam.  
Quod enim illi de Aurea Bulla, de  
Caroli IV. dispositione, qua declara-  
tur & ordinatur, Electoratum Comi-  
tatu Palatino Rhenensi annexum  
esse, eumque solis Palatinis, non Ba-  
varis competere, dicere & judicare  
licuit, id meliori nobis jure & majori  
cum veritate, de dispositionibus istis  
clandestinis, novis & anormibus Fer-  
dinandi II. deque Pragenli conven-

## Enodatio

tione statuere & profari licebit.

*Vin'* inquit ille fol. 78. *sententiam esse ?*  
*hoc dici non potest, ubi nihil ordine, nihil*  
*legitimè factum est. Nonne iudicium*  
*constitutum, nonne litem contestatam*  
*oportuit, priusquam ferretur sententia ?*  
*Nullum hic fuit iudicium, omnino lis*  
*nulla fuit. Iudicium incipit à citatione ;*  
*si adversarius non vocetur, non est iudi-*  
*cium : Vbi non fuit iudicium, ibi non*  
*est sententia. Quis Carolum Ludo-*  
*vicum & ejus Fratres in jus vocavit ?*  
*præsentes non fuisse constat. Sententia*  
fol. 79. *igitur illa prorsus est nulla ; quia*  
*lata est nec citatis, nec auditis adver-*  
*sariis. l. 2. & ibid. Bald. c. si per vim, vel alio modo l. 1. §*  
item cum ex edicto. D. de sententiâ, quæ sine appellatione rescind.  
*Et consequenter per ejusmodi sententiam*  
*jure suo nemo privari potest. c. 1. de feud.*  
sine culpâ non admittend. Anchor. consil. 33. volum. 1.  
*Fortè, inquires, Imperatori integrum*  
*fuisse*

## Responsorum Cesareorum.

fuisse ex officio in veritatem inquirere. Solet fieri in crimine, in re privatâ & familiari non solet. Ex ea tamen quaestione damnare Palatinos non poterat, sine legitima citatione: quippe inauditâ parte non est credendum alieno testimonio.

Elem. Pastoral. de re judicat. Roman. consil. 245.

Multa sanè exiguntur, ut damnari absens, & de possessione sua dejici possit. Vocandus est imprimis in jus, circumducendum est edictum, & reddendus contumax. Aliàs legibus & moribus Majorumque institutis non rectè pervenitur ad sententiam, tametsi Imperator ipse judicet. d. Elem.

Pastoral. Abbas ad c. 1. de caus. propriet. & possess. Baldus ad l. ultim. de legib. Si tu, fol. 83.

privilegium dixeris, scias licet, Imperatorem cum tota sua Majestate jus suum alteri per privilegium auferre non posse sine justâ & publicâ causa. Quæ fuit, fol. 85. justâ causa, ut Electoratus avelleretur à Palatinis?



## Enodatio

*Nulla. Quæ fuit causa publica? Nulla. Totum hoc negotium Bavarorum commodum privatim respexit. Omnis hæc scena in utilitatem eorum composita & instructa fuit. Quid ergo restat, nisi ut hoc privilegium dicamus nullum, quod vergit in Palatinorum injuriam, quod contra legis præscriptum jus suum Palatinis eripit, quod de possessione sua Palatinos deturbat? Atqui, inquires. fol. 94. Imperator & Electores Ordinésque Imperii confirmârunt. Concedo interim? Quid tamen facit confirmatio? Si peritis juris credimus, nihil novi juris confert, sed quod datum est tantummodo, corroborat. Molinæus ad consuet. Parisi. titulo. 1. s. 8. gloss. 1. n. 83. tacitamque in se continet conditionem, si res ita se habeat, Molin. loco citat. Rebuff. tractat. de decimv. quæst. 13 n. 90. 91. At verò diplôma vestrum est nullum. Vana est igitur & inanis confirmatio. Nam  
ubi*



*Responſorum Caſareorum.*

*ubi quod confirmatur nullum eſt, ibi quoque confirmatio nulla eſt. Quod enim eſt nullum, perinde habetur ac ſi factum non eſſet, l. 1. §. hæc autem D. quod quiſque juſ in alter. ſtat. Quod autem non eſt, confirmari non poteſt.* Hæc verbis Burgundi, niſi quod pro Bavaris nomen Palatinorum poſitum ſit.

Si verò Bavaris licet & fas eſt, Caroli IV. Imperatoris de Electoratûs Palatini adjudicatione, diſpoſitionem & Auream Bullam confirmatam ab univerſis Imperii Ordinibus, & per tot annos & tria ſæcula inconcuſſè obſervatam, impugnare, & dicere eà in parte nullam, & per ſub. & obreptionem, & per calliditatem extortam, & ab Imperatore odio in Bavaros, ut eos ſub juſis ſpecie opprimeret, & nimio favore in Palatinos, condicam. Cur non liceret nunc Palatinis, diſpoſitionem iſtam Ferdinandi  
de

*Enodatio.*

de Electoratu Bavaris concessio & tabulas Pragenses, illam confirmantes & comprobantes, ex eodem fundamento & jure refellere, nullas dicere, & odio in Palatinos, quorum oppressionem sub colore & prætextu juris Cæsar & Bavarus, ut suis suorumque commodis eò meliùs prospicerent, accelerare satagebant, confectas & confarcinatas.

Ait præterea Burgundus de Carolo Imperatore, fol. 63. *eum Palatinis ad omnia obnoxium, infestiores Bavaris fuisse, ac propterea illis Electoratum dedisse & adjudicasse, exclusis his. Ecquid mirum? Quippe cum Ruperto Palatino in Bavarorum exitium, armorum societatem contraxerat.* Henticus Rebdorff. in annal. *totamque Bavariam miserabiliter vastavit. Cum igitur affectui suo morem gereret, cum animo suo volupe*

*Responsorum Cesareorum.*

lupe facere vellet, flagrantissimo Ba-  
varorum odio spumans, causam  
genio suo consonam avidissimè arripuit,  
quâ ultionem exigeret ab inimicis, atque  
infra Majorum suorum dignitatem  
saucios deprimeret. Et mox, His in eum  
modum <sup>fol. 72.</sup> compositis, cum præoccu-  
pati essent Electorum animi, cum flagran-  
tissimâ gratiâ floureret Rupertus Pala-  
tinus Comes, cum ancipiti belli periculo  
Bavari implicarentur; breviter cum  
omnia in eo statu essent, ut nihil Bavaris  
ad invidiam, nihil Palatino ad favo-  
rem deesse videretur: Rupertus Pala-  
tinus Comes Anno MCCC LVI in  
Norinbergensibus Comitibus diplôma  
quoddam elicuit, quo Electores Principes  
Dapiferatum & Electoratum Comi-  
tatui Rhenensi annexum, asseverant.  
Nihil sanè facilius fuit, quàm id impe-  
trare. Habebat enim Imperatorem in  
Z partibus

- Enodatio

partibus, Imperator verò in suam sententiam Electores traxerat. Rescripserunt enim omnes secundum formulam à Carolo prescriptam. Consensum jam erat à singulis, quod inter omnes quari debuerat. fol. 232. Melius siles de Carolo IV cum Bulla sua. Scimus, scimus quid voluerit & nos hoc scire jam sciunt omnes. Iræ suæ litare studuit. Contra jus, contra fas, contra leges & consuetudines ac Majorum mores conatus est Electoratum deferre Palatinis, quos flagrantissimè amabat, ut Bavaris eriperet, quos hostiliter oderat. Hoc est quod voluit, hoc respexit & collimavit; quomodo eò perveniret, omnia in unum concilia contulit. Dic, fol. 298. quicquid potes & quantum potes, & quàm eloquenter & magnificè potes, nostra tamen hæc est Gemma, quam Otto III Bavariæ inservit. Ex illo  
in

*Responsorum Cæsareorum.*

*in possessionem venimus, ex illo incumbimus. Frustrà laboravit Carolus IV indè eximere, Quicquid fecit, efficere non potuit. Stabat secura & immota supra culmen potestatis. Eòusque suprema potentia manus porrigere non poterat. Nihil legitimè, nihil solemniter, nihil ordine factum est. Non fuit illud iudicium, vis fuit. Summa cum injuria Bavaros ejecit, ut nullo jure Palatinos induceret. Flagitiosum est vestrum initium, injustus progressus, tota denique vitiosa possessio. Hæc ille.*

*Iam repone, sicut in prioribus factum, pro Bavaris & Bavariâ, Palatinos & Palatinatum, & pro Ruperto, Maximilianum Baviaræ Ducem; pro Carolo, Ferdinandum; pro Aurea Bulla, dispositiones de Electoratu & pacem Pragensem; pro Norimburgensibus, Ratisbonenses; dices eandem*



*Enodatio*

fabulam hodie mutatis personis verè  
lusam, quæ olim lusa fuisse fingitur à  
Burgundo, artificii commento; à  
Christophoro Gewoldo primùm in  
scenam producta. Hi causæ Bavaricæ  
præcipui Patroni primi extiterunt, qui  
sacrosanctam & inviolabilem per tot  
ætates Auræ Bullæ auctoritatem in  
dubium vocare, impugnare, & falsi-  
tatis atque nullitatis arguere ausi sunt.  
Verùm si privatis hominibus leges  
fundamentales, in quibus salus & con-  
cordia imperii consistit, si sacratissi-  
mas sanctiones, si sapientissima Ma-  
jorum instituta, si jugem per tot sæcu-  
la observatam consuetudinem, & ab  
omnibus Imperatoribus & Electori-  
bus *ex Αισδοκῆς* comprobata, confir-  
mata & impressis vestigiis signa-  
tam, convellere, infirmare & eludere  
licet: quænam firmandi status, non  
dicam

*Responsorum Cæsareorum.*

dicam fiducia, sed spes reliqua, quid sanctum, quid tutum & justum in communi hominum societate, in successione & possessionibus bonorum, dignitatum & officiorum esse potest? Quæ impugnationem istam aureæ bullæ & Electoratûs Palatinici usurpationem secuta sint, lamentabilis experientia testatur: uno verbo bellum internecinum, cædes horrendæ, diræ proscriptiones, & Imperii totius miseranda distractio: adeo ut hæc Electoriæ dignitatis præreptio potissima & præcipua causa *ἡ τὸ αἰῶνος* sit, continuati & redintegrati hujus funestissimi belli. Quod Serenissimi

Electores Saxonix & Brandenburgii statim ab initio præ-

viderunt & prædixerunt: *Se inquebant, translationem Electoratus nequaquam pro medio sistendi belli, sed potius pro materia, quæ majores animorum*

## Enodatio

exulcerationes, scissionem & divisionem inter Ordines imò universi Imperii <sup>παραθεσίαν</sup> sive interitum & desolationem sit productura & concitatura: quocirca restitutionem Comitis Palatini vel ideo necessariam judicare, ut securam & fida pax constabiliri queat: per rigorem salutis Reipublicæ minimè consuli, sed eam in discrimen potius & perpetuum bellum implicari. Deinde ob hanc etiam causam se translationem Electoratus pro fomite turbarum & armorum æstimare, quia liberi Palatini Comitis propter cognitam innocentiam, à restitutione dignitatis & ditionum excludi nullo modo possint: præsertim illi, qui ante prætensum patris crimen, jus acquisitum in Palatinatu electorali Majorum providentia & pacto consecuti & adepti sint. Ad hæc agnatos proximiores, quibus æquè ex simultanea investi-  
tura

*Responsorum Cæsareorum.*

*tura jus quæsitum sit, injuriâ affici, & jure suo privari. Idem illi Serenissimi Principes plus semel, deinde publicè conquesti fuerunt, quod optima & pacifica ipsorum consilia non fuerint auscultata, sed ea media apprehensa, quæ re vera causæ exstiterint majorum motuum, inimiciarum & turbarum : experientiam enim manifestasse res post translationem Electoratus in pejus lapsas, quia ea quæ ipsi tanquam semina discordiarum tam fortiter disuaserint, nihilominus prælata, & cum magna animi contentione executioni data fuerint. Præterea non solum ambo illi Electores per Oratores suos, sed etiam cæteri eorum Collegæ, & alii Principes, qui Ratisbonæ Anno MDCXXIII quando Cæsar in procinctu erat conferendi Bavaro electoriam dignitatem præsentibus fuerant, unanimi consensu*

### *Enodatio*

consensu publico in scripto testati sunt, Fridericum Regem facem et architectum turbarum in Imperio minimè extitisse, dum his verbis, *Comitem Palatinum*, aiebat, *Principem esse juvenem, qui ab aliis seductus sibi ipse consulere nesciret : ad hæc auctorem & inceptorem motuum Bohemicorum non fuisse: hos diu antequam is intervenisset, initium & progressum habuisse.*

Singulari autem admiratione & questione, ne dicam reprehensione & increpatione dignum est, quod Imperator & Electores à tot annis & in diversis conventibus, & in hisce duobus ultimis Ratisbonæ, Anno M DC XXX & XXXVI celebratis, postulata Regis Magnæ Britanniae auscultare, & restitutione Palatinatûs æquis cum conditionibus concessâ & decretâ, pacem Imperio  
&



*Responsorum Cesareorum.*

& Patrię suę, civilibus discordiis armisque perculsę, reddere neglexerint! Quomodo id apud Deum, apud homines pręsentis & futurę ætatis excusare poterunt? Nonne causas satis graves & urgentes habuērunt, quibus moveri debuissent, ut quietem bello, consopitis motibus pręferrent, & uno aut altero ad pristinum fortunę statum reposito, toti Imperio & sibi ipsis tranquillitatem, salutem, securitatem & honorem pararent? Nonne communia Reipublicę Christianę instantia, tum impendentia mala eos excitare & impellere? Nonne Patrię miserandum in modum devastatę & desolatę, voces & quasi lacrymę ad intimam commiserationem permovere & stimulare debuissent? Tot annorum eventibus & documentis didicisse poterant, Reipublicę salutem, incolumitatem, libertatem, de-

cus & otium in istâ restitutione, & amnistia sanctione contineri : per expulsionem verò & oppressionem Illustrissimæ Domûs Electoralis Palatinæ, bellum hoc lacrymabile non modò non attenuatum & imminutum fuisse; sed magis etiam exarsisse & recruidisse, adeò ut incendio suo totam Germaniam perusserit, vicinòsque populos & gentes attigerit. Quis fructus continuationem belli consecutus fuerit, quid utilitatis, honoris, & potentia ad Rempublicam pervenerit, quid ipsi etiam victores ex victoriis suis commodi perceperint, in confesso & propatulo est. Nihil nempe securiores factos fuisse, plus damni & perturbationis, plus ignominia & odii, quàm emolumenti, potentia & laudis acquisivisse. Nec dubitandum quin majora adhuc mala et incommoda sequantur, si discordias

*Responsorum Cæsareorum.*

cordias et bella hæc indomita paulò diutius vigere permiserint. Non enim verisimile est eos Principes qui fortunis suis exuti, in exilium depulsi, & ad desperationem redacti sunt, quieturos unquam, quamdiu aliquid spei & auxilii aliundè sperare possint, imò extrema conaturos, cœlum & tartara, ut est in proverbio, emoturos, omnia denique *more anguium, qui obtrito capite, postremum caudâ minantur*, experturos, ut in patriam redire, & amissa recuperare valeant. Quæ res ejusmodi profectò erit, ut maximas periculocissimâsque rerum conversiones allatura, perpetuum fomitem belli præbitura, Ordines Imperii continuo metu excruciatúra & anxios redditúra, tandem ultimum Reipublicæ exitium & internecionem acceleratúra sit.

Ad hæc exteri, qui vel Cæsareæ

A a 2

Ma

*Enodatio*

Majestatis & Domûs Austriacæ, *cujus fundamenta in Germania posita esse* censentur, potentiam & auctoritatem convellere, vel sub Imperii ruderibus aliquid emolumenti quærere, vel privatas injurias ulcisci, vel res novas moliri voluêrunt, ansam semper & prætextum habituri sunt, ut sub specie auxilii, ad quod pro restitutione extorrium amicorum & sociorum se obligatos profitebuntur, res suas agant. Timendum quoque ne freti & permoti eâ occasione Turcæ, tandem etiam consurgant, & Germaniam convulsam jam per se & debilitatam, ad quam quidem subjugandam maxime omnium mentem dudum atque animum adjecerunt, temporisque opportunitatem observant, ipsi integri collectis viribus adoriantur.

His omnibus & innumeris aliis malis præveniri dudum potuisset, si sublati

*Responsorum Cesareorum.*

sublatis depositisque privatis inimicitiiis, odiis & factionibus, pax & concordia, pristinaque animorum inter Ordines consensio & confidentia reducta, & constabilita, atque publico communique consensu salutis et securitati Reipublicæ consultum et prospectum fuisset. Quod factum sanè haud difficile futurum fuisset, modò ea consilia et remedia, quæ ad rem faciebant, et in promptu erant, ocyùs apprehensa et adhibita fuissent : quorum hæc duo sola omnium convenientissima & efficacissima censebantur. Primò videlicet, si promiscua & universalis præteritorum oblivio sancita : Deinde, si unusquisque qui per arma & iniquitatem temporum fortunis & honoribus dejectus fuerat, integrè & in eum statum, quem obtinuèrant, antequam hi motus orirentur, restitutus fuisset, nemine præterito, aut ex pace



*Enodatio.*

& amnistiâ excluso. Illud enim certissimum est, firmam quidem in Germaniâ concordiaë rationem posse nullam inveniri, nullam esse pacem, nulla fœdera diutiùs permansura, quæ non eorum omnium, quorum interest, consensu voluntatèque & cum restitutione & satisfactione expulsoꝝ sanciantur. Cæteræ, si quæ restabant conditiones paciscendæ & adjiciendæ, nihil prorsus difficultatis & exceptionis habuissent. Nam & exteri proculdubiò, qui se huic bello immiscuerunt, sicut isto modo omnis ipsis prætextus, continuandi belli præreptus fuisset: ita haud gravatim ab armis abstinuissent, & pacem iniissent.

Deinde, ex restitutione Palatinatûs, recepto in pristinum dignitatis gradum Carolo Ludovico Electore, hoc bonum Imperator & Electores consecuti fuissent, ut fundamentum  
solidum

*Responsorum Cesareorum.*

solidum & stabile, & illo Pragensi ad pacem universalem constituendam longè firmitus posuissent, spe hostibus suis Rempublicam Germanicam et alias provincias ab armorum dominatu adhuc liberas, invadendi et proterendi præreptâ. Simul etiam cum Imperio Romano Germanico, tum sibi met ipsis, sociis et amicis populisque securitatem et quietem gloriosam et fructuosam peperissent: pubem denique Teutonicam, ad stupendam & inauditam per tot strages & miseria paucitatem è tantâ populositate redactam, à fame, squalore, inediâ; ex angustiis & ærumnis quibus continenter tanquam lento igne consumebatur & enecabatur, liberâssent.

Ad hæc summo honori Imperatori & Electoribus fuisset, si Principes Palatinos tam alto loco natos, consanguinitate primoribus Regum & Principum

pum in Europa familiis junctos, quorum progenitores tam bene de Imperio, cujus magnitudinis, splendoris, libertatis & incolumitatis defensores & propugnatores constantissimi semper exstiterunt, meriti fuerunt, pro quibus etiam tot Reges & Principes, quorum intererat ut restituerentur, intercedebant, qui denique Imperio ornamento & usui futuri erant, in avitos honores & possessiones reposuissent & collocassent.

Hoc nomine non solum plurimum sibi eos devinxissent, & ad omne genus officiorum, studiorum & benevolentiae promptos gratosque habuissent : Sed Serenissimum etiam Regem Magnae Britanniae, eoque adduxissent, ut in testimonium grati sui animi, ex singulari erga Rempublicam Germanicam benevolentia, ad pactiones cum Cæsare Ma-

*Responsurum Cesareorum.*

Majestate & Ordinibus Imperii, tam pro constituendâ pace universali, posito ad eam prius per restitutionem Palatinatûs fundamento, quàm pro eâ contra omnes, qui impugnare præsumpsissent, defendendâ, ineundas consensisset. Quantum ex hac Potentissimi Regis conjunctione & defensione utilitatis, securitatis & gloriæ Imperio accessisset, Imperator & Electores facilè judicare potuissent, si rerum suarum conditionem, & Patriæ Germaniæ ad incitos exitii gradus redactæ, tempora & pericula in consideratione habere voluissent.

Hæc cum ita sint, mihi permittetis, O Viri Principes, Proceres & Cives ut antequam finiam, ad vos mea se nunc vertat oratio. Per ego DEUM Vos Immortalem, per omnia Divina humanæque, per Majorum vestrorum cineres, per Patriæ genium

B b

obtestor

obtestor & obsecro, considerate, quo loco res vestrae fuerint, & quo nunc sint; quae mala haecenus passi sitis, quaeque Vos adhuc circumstant & immineant, si rebus vestris promptè consulere neglexeritis. Nonne animadvertetis vestram libertatem, auctoritatem, fortunam, dignitatem, decus per haec bella civilia, exterorum dominationem affectantium auspiciis consilio & pecunia administrata & foeta adeò concidisse, eamque ad extremitatem & ludibrium recidisse, ut verendum & verisimile sit, Vobis ad egestatem & servitutem reductis, sub perpetuo iugo vivendum esse. Cui, nisi vobismet ipsis, culpam adscribere & imputare potestis? Si statim ab initio causam Friderici, per cuius latus vos petebamini, vel tutandam vel componendam seriò suscepissetis; si nascenti & ex incunabulis suis pro-

gredienti



*Responsorum Cæsareorum.*

gredienti potentia, cupiditate domi-  
nandi, & libertatem atq; Religionem  
extirpandi conatui, Vos conjunctis  
opposuissetis animis, consiliis &  
viribus, longè meliore loco nunc res  
vestrae essent, & laudem fortitudinis,  
constantia, & pietatis, præignominia,  
vituperio, ignavia, miseria, quæ Vos  
jam concomitantur, consecuti fuissetis.  
Verum summo cum dedecore & tur-  
pitudine, non sine proditoris & de-  
sertionis crimine, alium post alium  
perire & devorari sivistis, illorum  
casum ad Vos minimè spectare rati.  
An nesciebatis semper illos, quos igna-  
via, aut prava calliditas, uti alienis la-  
boribus tuti essent, armis abstinuit, acer-  
bissimas pœnas solvisse?

Rex Mithridates ad  
Regem Arsacem, apud Salustium lib. vi. Historiarum.

Nihil vestris hostibus gratius fecistis,  
nihil illis adversus vos utiliùs fuit,  
quàm quòd in commune non consulebatis,

### Enodatio

vires & arma non sociebatis, imminenti promiscuè omnibus periculo unanimi consensu non occurrebatis. *Itaque dum singuli pugnavistis, universi victi estis,* ex Tacito in vitâ Agricolæ. Vobis deinde imponi & verba dari, Vos promissis & largitionibus seduci, Vos disjungi & separari alius ab alio, Vos corrumpi & decipi falso amicitia, vel favoris fuco, vel voluistis, vel passi estis. Nonne advertebatis eos, qui regnandi libidine, & stabiliendæ dominationis, & Religionis atque libertatis evertendæ causâ ad arma feruntur, *in more habere, ut hoc imprimis persuadere soleant, non omnes à se peti, sed aliquos, donec quos primùm aggressi fuerant subjectis, gradatim ad alios transeant & ab aliis ad omnes,* Iacobus Zevencotius in observat. politicis ad Suetonii Tranquilli Iulium Cæsarem cap. 35. Hoc modo ab illis, qui vestris opibus & viribus, quas sibi proposuerunt destruendas,

*Responſorum Cæſareorum.*

ſtruendas, bellum hæcenus geſſerunt, quique Vos ſingulos aggreſſi fuerunt decepti, & lenocinio ſimulatæ benevolentia & gratia dementati, Voſque non peti arbitrati, & Vobis & Vicinis defuiſtis, his grave bellum, vobis exitium accerſendo. Acceſſerunt denique diſcordia, ſimultates, diſſidia, conſilia ſeparata, odia tam clauſteſtina, quàm aperta ex Religionis diuerſitate & calumniatorum ſubdolâ informatione enata, orta & augetur, tum invidia, æmulationes, ſuperbia, præſidentia, falſa de viribus veſtris opinio, vana in externas ſuppetias ſine fundamento collocata ſpes & fiducia *πλεονεξία*, ſuperbia, diſſidentia, prava abſtinendi ab auxilio ſociis ferendo calliditas, ingratitude & foederum pactorumque violatio & eluſio, & id genus ſimilia, quæ inter vos regnabant & etiamnum regnant. At-

que hæc Germanicam Rempubli-  
cam, toto terrarum orbe florentissi-  
mam & potentissimam, in squalorem,  
solitudinem, & ad extremam miseri-  
am adduxerunt. Iam nimirum, sed  
serò nimis, animadvertitis & depre-  
henditis quantæ vos circumstent an-  
gustiae, quibus laqueis & compedi-  
bus sitis capti, quali labyrintho &  
carceri inclusi. An ignorare pote-  
ratis eos, qui liberæ genti jugum &  
servitutem imponere satagunt, com-  
minisci varios prætextus, &  *fingere se  
quidvis potius agere, quàm quod agant,  
& tamdiu libertatis & veterum morum  
studium præ se ferre, donec illorum recu-  
perandorum spem omnem eripuerint, &  
præsidii dominationis se abundè firmâ-  
rint?* Iacobus Zevecotius in observât. Politicis ad Sucto-  
nii Tranquilli Iulium Cæsarem. cap. 79. in fine. Ignos-  
cite quæso, Viri Optimates, si me li-  
berius & audacius locutum esse arbi-  
tramini:

*Responsorum Cæsareorum.*

tramini : scitote me etiam Germanum  
esse & Germanici nominis, honoris,  
existimationis, libertatis studiosum,  
méque commoveri Patrię nostrę cala-  
mitatibus, & indignatione atque mœ-  
rore discrucari, quòd eam, & Vos  
cum illâ, tam miserè & indignè perire,  
omnem existimationem, fidem, dig-  
nitatem, libertatem, acceptum à majo-  
ribus imperium, & parta decora, tam  
citò & tam fœdè perdere, & exteris  
prædæ, ludibrio & contemptui esse vi-  
deam. Ἐλεμίαν ἡμέραν ἀδακρυτὶ διάγομεν, ἀλλὰ πει-  
θόντες τὴν πατρίδα, ἢ θρηνῶντες τὴν μεταβολὴν γεγεννημέ-  
νην, ἀπαντα τὸν χρόνον διατέλλομεν, Vt cum Rhetore  
finiam. Nullum diem sine lacrymis  
exigimus; sed & patriam lugere, & la-  
mentari hanc mutationem nullo tem-  
pore desistimus.

Isocrat. Αἱ αἱ τῶν μεγάλων ἡμετέρων ἀχρίων.

FINIS.